

**Dissertatio inauguralis medica de febre hectica abscessuum internorum
comite ... / [Christoph von der Flott].**

Contributors

Flott, Christoph von der.
Stahl, Georg Ernst, 1660-1734.
Universität Halle-Wittenberg.

Publication/Creation

Halae Magdeb : Literis Christ. Henckelii, [1710]

Persistent URL

<https://wellcomecollection.org/works/dwysdvzr>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

+DISSERTATIO INAUGURALIS MEDICA

DE

FEBRE HECTICA ABSCESSUUM INTER- NORUM COMITE,

Quam

DEO CLEMENTER BENEDICENTE,
RECTORE MAGNIFICENTISSIMO,

SERENISSIMO PRINCIPE AC DOMINO,

DN. PHILIPPO WILHELMO,
PRINCIPE BORUSSIÆ, MARCHIONE BRAN-
DENBURGICO, AC DUCATUS MAGDEBUR-
GICI GUBERNATORE, RELIQUA.

IN ALMA REGIA FRIDERICIANA,
PRÆSIDE

DN. GEORGIO ERNESTO STAHL,
MED. D. EJUSD. ET RER. NATUR. PROFESS. PUBL. ORDIN.
ACAD. NAT. CUR. COLLEG. LONG. DIGN. p. t. FACULT. MEDIC.

DECANO SPECTATISSIMO,

DN. PATRONO, PRÆCEPTORE, AC PROMOTORE SUO
omni observantiae cultu prosequendo.

PRO GRADU DOCTORALI

Summisque in UTRAQUE Medicina, honoribus, insignibus, & Pri-
vilegiis majorum more capessendis.

D. April. Anno MDCCX.

IN AUDITORIO MAJORI
publice ventilabit

CHRISTOPHORUS von der Flott /

Viln. Lithuan.

HALÆ MAGDEB. Literis CHRIST. HENCKELII, Acad. Typogr.

АДРОН ЕДВ
-ЕР МИШСОГЕ-
КОМПЕЛЮСИ

ДО СЕМЯН К ВАЛЮТЫ
СОВЕТСКОГО Союза
ОБЩИЙ СОВЕТ
Министров СССР
АНОНСИОН

ДНЯ ОТДЫХА. ОГРЮСИ
ДО СЕМЯН К ВАЛЮТЫ
СОВЕТСКОГО Союза
ОБЩИЙ СОВЕТ
Министров СССР
АНОНСИОН

ДНЯ ОГРЮСИ
ДО СЕМЯН К ВАЛЮТЫ
СОВЕТСКОГО Союза
ОБЩИЙ СОВЕТ
Министров СССР
АНОНСИОН

ДНЯ ОГРЮСИ
ДО СЕМЯН К ВАЛЮТЫ
СОВЕТСКОГО Союза
ОБЩИЙ СОВЕТ
Министров СССР
АНОНСИОН



Q. D. B. V.

PROOEMIUM.



Nter plures vulgi errores circa Medicinā, quos eruditis censuris notavit jamdudum Primerosius, non postremo loco memorari merentur, illi duo, primò, quando *σοχασμός*, seu è certis signis colligenda conjectura Medica, invidiosè Medicis, vicio quasi vertitur; secundò, quando iisdem tanquam in opprobrium allegatur, quod sæpè etiam satis certo percognitis causis, tamen restituere in integrum, & sanare morbum, non valeant. Primum enim quod attinet, iniqua certè hic est mortalium turba, quod non ita ægre ferat, circà res passim in propatulo possitas, imo vel in luce publicâ gestas, ubi etiam loqui possent & enarrare, qui de suis necessitudinibus quæruntur, (in forensi praxi,) tamen subinde vix inveniri possit veritas; imò, nisi tres ad minimum testes satis consentientia declarare valeant: aut plurium schematum atque graduum tormentis subactus, tandem confiteatur, & tamen ita quoque non perpetuo confiteatur, reus: Et ibi nemo sanæ mentis, vicio vertat judici, si ille corpus delicti, ve-

ram speciem facti, testium, etiam juratorum, consona effata, ita, pro fundamento requirat & supponat, ut horum aliquo deficiente, ne quidem ipsi liceat, torturâ adversus reum experiri : aut si hæc etiam non ita raro ipsum adhuc destituat, ille adeo justitiam exsequi, atque jure agere, non possit. Iniqua, inquam, est gens mortalium, quod plus à Medicinâ exigat ; nempè, non perplexis solum sæpè, sed etiam nullis, firmis indiciis, tamen rem ipsam tanquam divinando assequi, & quæ non solum in occulto, sed etiam occultè, geruntur, plus quam Delphica vaticinatione, prodere & effari. Imo, cum etiam forenses actores, nisi ipsi satis se disertos fentiant, Advocatorum solertia interveniente, prolixius, quæ in rem suam sunt, proferre & commemorare possint, atque testes conquirere & rogare : Ægri, ex adverso, longè plurimi, jam ætatis, jam ingenii, jam facundiæ, jam præconceptarum opinionum, jam impatientiæ, aliquando etiam certæ fallaciæ, interuentu, non possint aut non velint, ipsi enarrare, nec etiam exquirientibus, profiteri, talia indicia atque signa, è quibus satis certo concludere liceat, de vera indole affectuum, qui ægros obsideant atque angant. Neque vero dispar etiam ratio est, circà potestatem Artis, in percurandis, sanandis, in integrum restituendis, variis corporis læsionibus. Ubi, cum nemo a judice expectet, ut ille, quæ furto ablata & dilapidata sunt, refundat ; per vim mutilas corporis partes, restituat : Actorem in possessionem ablitorum spoliorum, non amplius comparentum, nec ab adversario paupere compensandorum, in solidum restituat ; Quam absconum fuerit, à Medicò exigere, ut ille his gemina, in corpore humano, & arte quidem, præstet, quæ, cum à sola ægri Natura seu insita energia, expectari deberent, sæpè numerò

merò nec ab hac ipsa amplius, per hujus Naturæ leges, exspectari possunt. Sicut autem prolixum esset, in veras, in primis autem varias, hujus confusionis & iniquitatis causas inquirere; ita brevibus certè multum dicere licuerit, nudis ipsius Principis Medicorum verbis, & animadversione peritissima, dum in Lege ait: *Omnium quidem Artium illustrissima est Medicina: verum propter inscitiam eorum, qui illa utuntur, & eorum qui de his talibus judicant, omnium penè artium postrema passim habetur.* Et sane optandum magis, quam sperandum est, ut post tot secula, hæc labes aliquando minueretur; sed faciunt novissimorum horum temporum mores, ut etiam votorum pœnitere debeat: ne, cum Sabinis, videamur, *somniare, quæ velimus,* in animum induxisse. Sufficere autem poterit, aliquam horum confirmationem in exemplis intueri, è quibus unum in medium producere, nobis proposuimus. Nequaquam autem ea intentione, ut quid turba insciorum & imperitorum circà illud deliret & aberret, iniquo temporis, imo chartæ, dispendio, indicemus; sed ut potius, humanâ, indole atque ratione præditis, ostendamus, quomodo equidem morbi, imprimis quantum ad Medicæ Artis potestatem satis est, dignosci possint; interim tamen, non ita raro, penitissima constitutio, imprimis causalium concursuum, deficientibus signis adæquatis, cognitionem plenam & indubiam subterfugiat, & frustretur. Imo ulterius, quod satis sæpe, quantumlibet etiam abundè perspecta constitutio hujusmodi, tamen non solum extra *Artis*, sed ipsius planè *Naturæ*, potestatem, ita posita sit, ut a *neutra* harum, (nec ipsa, inquam Natura, nedum arte,) firmum atque solidum auxilium exspectare amplius liceat. Agemus autem hoc tanquam in paradigmate, in

HECTICÆ FEBRIS, CERTI COMITIS
INTERNAL RUM ABSCESSUM ULCERO-
SORUM, perlustratione; quam THEMATIS INA-
GURALIS LOCO, publicè pertractandam nobis sump-
simus.

Faxit DEUS T. O. M. ut huic nostro proposito sa-
tisfaciamus, & eo ipso Principis tenebrarum injurias ad-
versus veritatis Deo caræ lucem, dissipemus, hanc autem
sibi, imo generi humano, etiam hac in parte afferamus.

Th. I.

Quemadmodum præpostoræ *laudes*, nemini pla-
cent; ipsis autem etiam defectibus, imò *vitiis*,
oblatæ, vel pro *injuriâ* ipsâ à prudentioribus
habentur, & exprobratione, sub imprudente com-
memoratione, publicè detectorum vitiorum:
ita cavendum certè hinc est, ne hanc notam, improvidis
laudationibus incurramus & promereamur. *Veteres*, qui
contemnunt, pluribus certè modis & nominibus, & male sibi
consulunt, & in illos male agunt. Præterquam enim, quod
de mortuis, majoribus ætate & ævo, & in difficiliore labore,
via in præmonstrantibus & bonum exemplum offerentibus,
honestissimè loqui, omnem moderatum hominem deceat, at-
que juvet; habent sanè etiam *Veteres* ea passim merita, quæ
silentio prætermissee, ignorantiam; iniquius autem de ipsis
sensisse, etiam protervam injuriam, certò certius redoleat,
imò sistat. Interim ex adverso, omnia *Veteribus* tribuere, &
post longa etiam secula solertiùs enucleatas, partim rerum *hi-
storias*, partim *rationum* declarationes, illis etiam in solidum
vendicare, non otiosum magis, quam prorsus odiosum, haben-
dum est. Illud de Medicis, inde ab ipso Principe *Hippocra-
te*, pro certo habemus, transmissee illos ad posteritatem, lucu-
lenta testimonia, peritiae æquè multiplicis, atque solertiæ dili-
gen-

gentissimæ, in commemoratione *historiæ* variorum morborum, secundùm plerasquè ad illos pertinentes circumstan-
tias; Ita, ut bono jure de illis dici posse ulterius arbitremur,
quod quidem ea, quæ de hoc negotio protulerunt, omnia
propemodum firma sint atquè vera: Interim absurdum certè
fuerit, etiam ita hoc assertum convertere velle, vt iisdem tri-
bueretur, quod etiam *omnia* quæ vera sunt, penitus exhause-
rint, & suis enarrationibus absolverint.

Th. II.

Planè vero alio modo res se habet cum *rationibus*, quas
iidem, pro explicatione veluti *causalī* hujusmodi rerum,
hinc inde in medium produxerunt. Ubi, cum multum
ipsis hic obstiterit, etiam nuda antiquæ Philosophiæ Physicæ
insufficientia; tantò æquius certè, ab omnibus prudentibus,
audietur illorum excusatio, quando solùm *generaliora* pas-
sim, imo vel *alieniora* interdum, proferunt, quām quæ sub-
stratæ materiæ satisfacere possint.

III.

Quod ipsum sicuti certò valet, de universis propemo-
dum penitioribus, *causarum*, *essendi* & *agendi*, modis, quos
hinc inde allegant: ita vix usquam clarius elucefecit, quam in
qualibuscunque ipsorum conceptibus, quos de *causalī* ratio-
ne FEBRIUM quarumlibet, tam sibi ipsis formaverunt,
quam aliis tanquam præfigurare atque inculcare, in animo
habuerunt. Ubi quidem neminem puto fore, quin satis a-
gnoscat, quod defectus plenioris notitiæ *de motu sanguinis*
progressivo, ejusque *Mechanico-Physicis* usibus, ad veram *vi-
talis conseruationis*, & noxiarum rerum *excussionis*, scopum,
necessario illis omnem aditum præcluserit, ad solidam, uni-
cam, circà has res veritatem, animadvertendam. Utpote
quæ his fundamentis unicè innititur, adeò, ut verus de harum
rerum vero habitu conceptus, ubi cunquè, etiam inter *moder-
nos* adhuc, deficit, tum plures alios usus ab hac observatione
expectandos, nobis intercipiat: Tum *Febrium* quamcunque
solli-

solidiorem Pathologicam notitiam, insuperabili impedimento prægrauet.

IV.

Minimè verò illud nunc agemus, ut defectus opinionum illarum latius notemus; quos potius, uti modo monuimus, quoad rei veritas & boni mores sinunt, excusare malumus: Cum tamen *Febrem* ejusmodi præ manibus habeamus, cuius *nominis* rationem, laudati Veteres, in aliâ, quam cui nos assentiri valeamus, *ratione* atque consideratione collocarunt: Integrum nobis omnino erit pauca quæ rem nostram necessariò respiciunt, ex illis attingere. Propterea imprimis, ut quid illis etiam adhuc subsit quod usui alicui applicari queat, hinc agnoscamus: sepositis iis, quæ minus ad propositum quadrare intelligimus.

V.

Imposuerunt nempe jam antiquiores HECTICÆ nomen, tali *Febru*, quæ ita velut in *consuetudinem* deducta sit & abierit apud patientem, ut ille quasi non satis amplius illam animadvertiscat, aut ad minimum non satis exquisitè amplius persentiscat. Illi verò, quibus largius suppetit otium, disquirere poterunt, utrum, & quatenus, ab illis, *Hecticæ* vox, siue ad *habitum moralem* seu *adsuetudinem*, usitatæ acceptioonis sensu, referatur: an vero magis ad *habitum physicum* quem vulgo *habitum externum corporis*, seu potius *ambitum ejus*, appellant. Pro qua quidem *posteriore* acceptione, stant imprimis *causales* Theoriæ, quas de ingenio imo & effectibus, *Hecticæ Febris* proferunt: quibus nempe illud quam maxime inferre laborant, quod in hac *Febre, calor*, ipsam *substantiam* partium solidarum, per totum ambitum corporis occupaverit, eoque ipso patienti, propter exactam æqualitatem, insensibilis evaserit: Cum in aliis *Feribus*, jam intrà venas *majores*, jam *minores*, jam extrà venas, putreficens, partibus solidis non æquè simul affectis, tantò molestorem sensationem è viciniâ insultantis æstus, objiciat.

VI.

VI.

Quemadmodum autem reuerà nemo prudens, siue expectaverit à Veteribus, speculatiuam aliquam comparationem aut collectionem, rationalis rationis Febrium; sive quæ in hunc sensum protulerunt, iterum dicimus Theoricè, tueri suscepereit, aliter, quam *excusando*, super fundamento ignoratæ circulationis sanguinis: Ita, ex adverso, quod ad historias attinet, meritissima illis manet laus solertiæ, circà observationes practicas, imprimis circa Febrium hecicarum quarundam ortum; deinde, earundem comitatum & veluti societatem communissimam: & denique, facilem earundem implicationem, cum ita dictis putridis.

VII.

Primùm quod attinet, neque temporis ratio patitur, nec etiam operæ pretium ducimus, prolixè citare, quæ in Avicenna, & diligente ejus Commentatore, Arculano, Savanorula, Foresto, & diligentissimè hujus vestigiis insidente, Sennerto, imo etiam adhuc propiore non minus sedulo Febrium historiographo, Petro Michaeli de Heredia, de his objectis commorantur; quæque facile erit, quibus otium suppetit, in iisdem, aut aliis illorum clientibus, inspectare: Res autem ipsa in his maxime consistit. Primo annotant, sumere aliquando Febrem hecicam initia sua, à Diariis seu Ephemeris Febribus. Secundò, nemo unus est, quin consentiat, imo profiteatur, diutinis, atque ita adsvescentibus, seu potius innidulantibus & inhærentibus, notoriis ulcerationibus viscerum, tanquam ordinariè comitem incedere Febrem hecicam. Id, quod de phthisi pulmonali æquè, atque paulo rariore, renali, eatenus omnes agnoscunt, quatenus à Theoria illa, quod hecica Febris in totius corporis habitu sedem fixerit, non nimium præoccupati existunt. Tertium autem est, quod subinde hecicam cum putridâ complicari autumant: quod simul atque ita, uti re verâ debet, ex ipsa historia, ita solum intelligitur; Ubiunque satis sensibiles, continuæ durationis Febres, per initia, aut in decursu, nullum exquisitum typum strictè dictum

continuum, aut (iterum dicimus,) exquisitius, periodicum obserantes, tamen insolitam, (tali schemati) incandescentiam exserant, ibi hecica cum purida colludere, intelligi debeat: id est, lenta ætuæ os, cum æstu, qualis typicis, & quidem acutis proprius respondeat.

VIII.

Ubi quidein, pro nostra tractatione tanquam obiter, minime tamen obiter, animadvertiscendam commendamus, differentiam illam, & quam maxime, quibus est otium, conquirendam, apud scriptores sive antiquiores sive juniores, distinctionem, inter Febres simplicius LENTAS, & pluribus respectibus (nisi obturbentur) mitissimas: & inter veras HECTICAS, non modo pluribus, sed etiam admodum conspicuis respectibus, in contumacem atque refractarium habitum deductas. Quæ posteriores utique, stricto hoc nomine propriè intelligi debeant; cum alteræ illæ, ab hac pertinaciâ tantundem, quam ab ejus profundâ atque solidâ causa, longissimè certè absint. Quam tamen differentiam, ut pro hodiernis moribus quam maxime practicam, (nempè è Februm intermittentium mala tractatione passim pullulanter) ex usu profectò fuerit, satis perspectam, adeoque veluti in numerato habere: Quandoquidem hujus differentiæ cognitio, ad sinceriorem tractationem practicam, velut inseparabili nexu referri postulat.

IX.

Ne vero hinc etiam implicatio illa, è veterum hæsitatione illa qualicumque, circà veram conspicuam indolem febris hecicæ, crucem, quod aiunt, nobis figat, placet descriptionem ejus exhibere, cui firmius insistere liceat. Est itaque HEC TICA, talis febris, ubi patiens multis, imo tanto magis, plurimis, diebus, per occasiones nequaquam satis idoneas, sed potius leves, ita insigniter perturbatur, ut tum calore maiore quam s. n. ad sensum molestetur; tum langvore, fastidio animi, inappetentia, oris siccescentia, siti, aut ad minimum majore potus, quam cibi appetitu, subinde tamen etiam consueti cerevisiarii potus tædio, frigidorum magis, quam calidorum amore, colore tanquam magis ordinarie,

pal.,

„pallido, aut alias malo & inusitato, perpetuo quasi langvore,
 „aut certe virium inusitata prompta atque facili consumptio-
 „ne, succedente diuturniore debilitate, imo omnium huc-
 „usque dictorum a motu paulo fortiore exacerbationibus,
 „afficitur, imo affectus est, seu laborat: Sub his circumstan-
 „tiis etiam nullam bonam atque floridam corporis nutritio-
 „nem præ sese fert: sed, & langvide si illa adhuc est ætatis
 „periodus, accrescit; & magis ferè in longum, quam in am-
 „plum (floridum, subturgidum, spongiosum, & molliculum)
 „habitum assurgit; aut, si etiam adhuc tale quiddam fieri ap-
 „pareat, tamen ille quidem habitus laxior potius, atque mol-
 „lior appareat, subtumidus. (Germani tanquam temerè hal-
 „tibus inflatum, dunstig appellant, imo ampliore explica-
 „tione circumscribunt; Es sehe keine gesunde Vollleibigkeit
 „mit einem solchen; sondern ein bloßes dunstiges Wesen/wel-
 „ches schnelle wieder hinfallen und verwelcken werde.) Ubi
 imprimis minime improvidi sunt, dum *malum colorem*, cum
langvore, & facili & multiplici, in talibus patientibus, circà vi-
 tales & animales actiones, vñà in considerationem adducunt.
 Omnibus modis autem quando *sensibilia* sunt hæc omnia,
 & imprimis, adhuc statim dicendæ conditiones, eò non præ-
 sentior solum, sed etiam importunior atque major est, *hæc* *icæ*
 febris energia. Nempe, quando præter dicta, post *assumtos*
cibos, magis ad sensum *langvescunt* atque torpescunt potius,
 quam ut vividi & alacres videantur: Præterea, mox post *ci-*
borum usum, & *toto corpore*, & præcipue in volis manuum,
 planè ad sensum magis incalescunt, quam antè aut extrà tale
 tempus: Imò si etiam faciei color, *tali tempore*, vividi-
 or appareat, tanto magis reliquo corpore *langveant*, *incale-*
scant, ore *siccescant*, imò *sitiant*. Quod quidein etiam pro-
 ptemodum constanter apud *hæc* *icos* valet; quod, quantò ma-
 gis in facie, *floridæ* constitutioni familiaria signa ostendunt,
 tantò pejus circa reliqua, & imprimis varios suos *langvores*, &
 sensibiliorem *calorem* prædominantem, habere observentur.

Ulterius autem de *heatica* febre notari debet, quod diversos habeat, & ostendat, acerbitatis suæ gradus: non æquè in diversis subjectis, sed in uno eodemque. Ita quidem, ut aliquando vix sensibilem admodum, exhibeat molestiam; quæ non sub latitudine debilioris constitutionis excusari tantisper possit; Unde etiam vulgus Germanorum ait: Es seye so ein weichlich / fråncklicht / hinfällige Person; könne gar nichts vertragen / frånckele immer. &c. Et sub hujusmodi constitutione, (rarius intercurrentibus gravioribus incrementis mox dicendis,) affecti, vivunt aliquando hujusmodi patientes, ad 10. 15. imo ad 20. annorum spatum: Ut ex uno vel altero exemplo, inferius allegando, dilucescet. *Elatior* autem *gradus*, exprimit omnia præcedente paragrapho dicta, aut potiora certe, in tali vigore, ut patientes ita affecti, manifestissimè ægri esse intelligantur; adeo quidem, ut licet perpetuò decumbere non cogantur, imò vel longe maximam partem temporis sui extrà lectum consumant; tamen & ipsi hoc eloquantur, & vel è solo aspectu facile impetrant fidem, quod vim quasi faciant viribus suis: Sie seyen auf/ gehen herum / über alle Macht; wolten sich nicht gerne gar geben/ &c. Eminent autem in hoc gradu præcipue, *pallor* totius, imò ipsius *faciei*, exceptis paucioribus indies quadranticibus horarum, aut paucis, erga plurimos alias comparandis, diebus; Et *flaccida* corporis, imò *tabida*, *extenuatio*, magis magisque augescens: *Appetitus* insuper æquè, ac digestio-*nis*, imò & *excretionum*, admodum conspicua, de tempore in tempus, detrimenta. Ultimus autem gradus, tantam exasperationem omnium allegatorum symptomatum involvit, ut non solum in lectum conjiciat ægros, sed etiam manifestius *febriles*, nempe motus sanguinis constanter acerbioris com-*motiones*, cum *siti*, (licet subinde naufragia) *oris siccitate*, *agrypnia*, *anorexia*, *debilitate*, & exsuperante corporis *consum-
tione*, ac universalì *langvore*, tam exquisitè afficiat & exerce-
at,

at, ut in eo statu diu durare non posse ægrum, quicunque vi-
dent, facile consentiant.

XI.

Rationi autem omnino obvium est, quod citatores gressus promptius admoveant metæ; id est, fortior quique horum graduum, durationem etiam universam, arctioribus limitibus circumscribat. Ita tamen, ut equidem duratio totius hujusmodi ambitus, veræ typicæ, nempè qualitercumque periodicæ, continuæ Febris ambitum, notabiliter supereret; Interim etiam aliquando, in valde longum tempus, extendi, non magis possit, quam soleat: Nempè imprimis, ex adverso, quæ levioris adhuc est gradus, sed certæ hujus indolis, lenissima Hectica febris.

XII.

Placet autem omnino aliquid adhuc subjicere, de diversitate verâ, & reali simplicioris LENTÆ febris, & HECTICÆ: Et quidem etiam adhuc in eo ordine, quem hucusque servavimus, nempè magis purè adhuc historicè, quam præmatutè ætiologice. LENTA febris, vel non oritur sua sponte, vel non manet admodum diu in tali gradu, quin in typicam, manifestò talem, transeat: sicut ortum etiam suum, priore modo, ordinariò sumitè typicis. Minime omnium autem in eo comparanda est hecticæ, ut jam acerbius inualescere, jam notabiliter intepescere soleret, aut quidquam horum, sive continuando, sive variando, tam diu persequi, ut ordinariè magis hectica. Deinde, potest utique lenta febris transire in hecticam; sed non vicissim, hectica in simplicem lentam; Minime autem solet etiam hoc ita promptè facere lenta, imprimis sibi relieta, & nulla re in deterius acta. Transit autem, & quidem adhuc facilius, in alias potius febrium formas; & quidem, quæ mox lenta apparuit, in typicam aliquam acutam; quæ ex acuta, lentum schema induit, vel iterum in talem relabitur, vel capessit intermittentem typum: Quæ verò ex intermittentibus coorta est, transit veliterum in aliquam talcm, vel in hecticam. Hectica vero in aliud schema non transit, sed subit

simpliciter exacerbationes, inflammatorii acutis respondentes. Tandem, *lenta* redit vel sponte ad tranquillitatem; vel evanescit cum illo schemate, in quod transiit, si hoc feliciter desinat. *Hæc* verâ talis, nec cessat facile, imo verius dixerimus vix unquam, ipsa; nec cum exacerbationibus illis acutioribus remittit, nedum desinit, sed perstat, gradu solum acerbitatis mitigato.

XIII.

Libet autem adhuc unam diversitatem indicare, *Lentæ febris*, ab *hæc* verâ. *Lenta*, imprimis quæ continuis compositis, aut acrioribus intermittentibus, ut *duplicatis*, aut valde *aestuosis*, vestigia legit, valdè prona est ad largissimas, & revera nimias, *sudationes*; (Maxime vero talis, quæ per impatientiam ægri, non toleratis decentibus sudoribus periodicis, ortum duxit; non autem oppressionibus per adstringentia successit, qualis in *hæc* cam pronior est.) Vera verò *hæc* verâ, nisi prope modum jam consummata, aut sub alienis artificiis errans, nimiò alienior est, ab hujusmodi *sudationibus*, & longè certius *arido mordaci calore* conspicua. Præterea, *lentarum* etiam prodigæ *sudationes*, modo absint perversa articia, nihil usquam effatu digni detrimenti afferunt; Imo decrescent, & evanescunt tandem, sponte, ad perfectam ægri euphoriam, imo sanitatem: obsequuntur quin etiam lenissimis idoneis remediis, eò usque, ut veluti in artis potestate sit, illas tollere. Omnia vero contraria eveniunt in *sudationibus hæc* tis. Quas quidem veras & reales differentias, veræ simplicis *lentæ febris*, à vera *hæc* verâ, illis adhuc circumstantiis obsignamus, quod vera *lenta*, nunquam diu tantam vehementiam seruet, ut iecto affixum detineat patientem: sed potius de die in diem mitiora omnia & meliora præ se ferat: *Hæc* vero contrario modo in his se habeat. Quas quidem differentias, uti certè è multa, circumspecta, & constantissimâ, clinica observatione ductas, pariter Practicis, bene & circumspecte in sua re versantibus, commendamus.

XIV.

Enumeratas huc usque circumstantias, absolvere *historiam febris hectice*, & illam satis exaurire, certissimum est. Supereft autem una adhuc conditio, uſitatissima iis, qui hac febre laborant, & tamen ad illam, ut *formaliter*, non pertinens. Primò enim, non æque absolutè *omni hectice competit*: Deinde, non est tam ipsius *hectice*, quām *causæ* alicujus *conjunctæ* cuius *Hectica*, effectus, quām quoquomodo ipsius *hectice*. Est vero *Tussis*, à mediocri ad magnam, tum *frequentiam*, tum *ferociam*, importuna. Quæ, quamvis cum *hectica* multum penitioris nexus habere videri possit, ex eo, quod certis quibusdam sui circumstantiis, *graviorem*, diversis autem *mitiorem*, reddere *hecticam*, sentiatur: Habet tamen solùm illud veri, quod non *proprio*, sed *socio*, *causalí respectu* & *efficacia*, *hecticam* ita afficiat, & *sano sensu* efficiat: Nullum autem simplicem & directum *nexus reciprocum*, cum illa habeat aut inferat.

XV.

Propior autem locus omnino hic est, tam ad commemorandam hanc velut *historiam hectice*, quam ad subjungendam mox tam *historiam*, quam *aetiologyam*, *pathologicam*, ejusdem. In quem videlicet sensum meritò asseveramus, quod *hectica* certissimè consortium ineat cum ejusmodi affectibus, qui *Tusses*, *frequentes* *admodum*, *feroceſ*, & non solum *diuturnas*, sed magis *magisque perennes*, gignunt & producunt. Tales maxime omnium sunt, pulmonum *ulceratio*, & hepatis *exareſcens induratio*. Quarum prior, plus minus *humidam*, posterior *siccā*, *tussim* fovet: Quamvis non ita raro *concussio pectoris*, ab efferâ *siccâ tussi*, primo producta, etiam tandem *pectoris labem* conciliat, & ita *hypochondriacæ causæ pectoralem* etiam societ, cum alterutra pro consumendo ægro sufficere posset.

XVI.

Quemadmodum autem, summo jure meritoque diximus,

mus, quod quidem frequentissime Hecticæ causis, Tusses tales
socientur; minime tamen planè absolutè omni hecticæ neces-
sariam societatem seruent: Nisi quod, per ipsam febrilem
ordinarii caloris intensionem, & insuper, alibi etiam hærenti-
um talium causarum, (quales in pectore humidam, ex hepate
vero siccum tussim, cum hectica sui socia copulant,) in massam
sangvinis diffusa apospasmata, familiariter etiam systemati spi-
ritualium organorum aliquid damni, vel ad minimum molesti-
stimuli, objiciunt, ut rarissimè constitutio verè hecticæ, inver-
niatur, quin tussis notabilem concursum præse ferat.

XVII.

Ut autem proprius ad scopum accedamus, asseveramus,
quod vera, ad ulceroso - suppuratoriam corruptionem siue
quam proximè disposita & declinans, sive jam deducta, læsio
quorumcunque internorum organorum seu viscerum, donec
ad restitutionem sui perducantur, (quod nempe vix rarissimis
casibus obtingit, nisi vivo progressu recentissimum adhuc
malum superetur, & resarciantur, ut in læsionibus à vi externa
incussis, aliquando obtinetur,) quantò magis in longitudinem
temporis res extrahitur, eò magis certa prorsus & inseparabi-
lis comes, tali viscerum labi, incedat febris hecticæ. Adeo,
ut nihil usquam obstare possit, quò minus pro historica the-
matis nostri confirmatione, provocando ad quotidianam ob-
seruationem praxeos Clinicæ, asseveremus, quod numquam
visceri cuicunque eueniat læsio, in sanioso - ulcerosam, quan-
tumcunque langvidiorem seu successiuam continuationem, se
extendens, quin eidem hecticæ febris combinetur; & ita qui-
dem, ut magnitudinem & progressum hujusmodi læsionis, et
iam proportio illius febris sequatur & imitetur.

XVIII.

Quamquam autem nihil obstet, quo minus etiam simplici
conuersione enuntiare possemus, quod, ubicunque etiam vi-
geat vera Febris hecticæ, ibi etiam subsit ulcerosa affectio in ali-
quo viscere: quia tamen tempus nostrum non permittit, ut
prolixius nos diffundamus: poterit tantisper sufficere, illud
omni-

omnino tueri, quod ibi certò sit *hectica febris*, ubiunque *internā ulcerosa* læsio, aut constans ad illam proxima *dispositio*, præsto est. Quod nempè effatum, adeo ex ipso veluti ore perpetuæ experientiæ Clinicæ desumturn, proferimus, ut omnem dubitationem de conuersivâ etiam illa enuntiatione, nequè facilius, neque felicius tollere liceret, si ab eadem experientia, non dicam tantundem sed vel *millesimam* partem æquatura exempla sisti possent, quod usquam *vera hectica* inveniatur, ubi nullum præstò sit tale vitium in *viscere*.

XIX.

Neque verò eadem penuria temporis, nobis permittit, etiam illud excutere, quod speculationibus, citrà, imo contra, experientiam, indulgendo, in quæstionem aliquando adducitur; nempè, an non etiam Febris *hectica*, talem efficaciam involvere possit, ut læsiones hujusmodi in *visceribus*, illa potius excitet & producat, quam easdem sequatur? Putamus tamen etiam breviter ejusmodi dubiis satisfieri posse, tribus modis: *Primò*, quod problematica talis dubitatio, de eo quod fieri fortasse possit, nihil inferat circà rem in *facto*, seu, à posse ad esse non valeat consequentia. *Secundò*, quod tot aliæ species Febrium, etiam satis diu subinde patientibus insistentes, & *hecticā*, undique, tam *ferociores*, quam *potentiores*, tamen effectum similem in viscera nequaquam exferant. *Tertiò*, ex adverso verò, à quicunque etiam alia, imò *externā* planè, *violentia*, productas ejusmodi læsiones *viscerum*, *hectica Febris*, & certissime, & sincerissimè, sectetur.

XX.

Cum itaque, frequenti *experienciæ* inconcussæ testimoniio, affirmemus, quod *hectica febris*, *internarum* partium *abscessiones ulcerosas* comitetur; proximum erit, aliquid discere, de *causalī* nexu & respectu, quo has res sibi mutuò co-hærere, agnosci possit. Loquimur autem datâ opera, de *cohæsionis* *abscessuum* talium *internarum*, & *hecticæ*, *causalī* habitu: non æque de *hecticæ* ipsius, quasi subsistendi seu existendi causis. Quamvis enim sic satis certum sit, quod vix agno-

sci possit *mutuus* habitus diversarum rerum, si singularum ea-
rundem *proprios*, planè sit ignotus; Nec etiam, *omnem* consi-
derationem veræ indolis ipsius febris *hecticæ*, seponere, in ani-
mo habeamus: Volumus tamen illud imprimis à nobis expe-
ctari, ut magis *comitandi* causam, hoc loco pro scopo habeas-
mus, quam ipsam *propriam ætiologiam*, ceu seorsim & in se
spectatam.

XXI.

Fastidimus autem tractationem alteram, tanto magis & sine
dubio justius, etiam ex illa ratione, quod tanquam necessitatem
nobis incumbere sentiamus, defectus communium opinio-
num, omnis ævi, circa *indolem febrium in genere & specie*,
designare. Ubi neque, *quid sit hecīca*, nec *ubi hæreat*, aut
sedeat, quæ sit ejus constitutio, sive *materialis* sive *formalis*,
sive ipsius inquam, sive *causarum* ejus, usquam reperire aut no-
stram facere ullam sciremus sententiam, quam cum re ipsa
conciliare, & serio tenere atque tueri, integrum nobis ducere
possemus. Ita enim, quod febris *hecīca*, sit *intemperies ca-
lida*, in partium maxime *solidarum* corporis externarum *ha-
bitum*, *materiali* quadam ratione, introducta; adeoque se-
dem suam, seu *subjectum* proprium, habeat, ipsum *habitum*
corporis, ut *solidum*: minùs, nisi quidem plane non, affecta
fluidarum partium temperie: quis consenserit? Qui calorem
illumin universum, magis à motu seu *transitu fluidarum per
solidas*, quam ulla *materiali* constitutione in ipsis solidis, de-
pendere, satis certo intellexerit. Fermentationem autem,
etiam innominatam, seu tantum *sui generis*, in massa sanguine-
a certa ejus *materiali*, *perpetuâ*, labe, atque corruptela,
pendentem, ita pro *causa hecīcæ* fingere, ut illa eum *inte-
stinum* motum agitat, qui tam *sanguini*, quam toti *corpori*, *he-
cīcum* calorem inferat: & ita *perennem* hujusmodi, tam *diu-
turnam p. n. fermentationem*, quæ nec turbet potentiùs, nec
turbetur, &c: Certe est suprà nostram credulitatem. Con-
trà omnem vero nostram rationem, quod *materialis fomes*,
& ipsum veluti *fermentum*, hanc fermentationem producens,

in sanguine possint esse *anopporas* tales, quæ à v. g. *ulceroso-faniosis* læsionibus in sanguinem diffundantur; Cum plenus talium sanguis, in *amplis, multis, acerrimæ corruptelæ*, etiam variarum specierum, (*scabiei, luis venereæ, lepræ, phagedænicarum* exulcerationum,) ulcerosis infectionibus & impressionibus, nihil quidquam tale producat: Ridiculum etiam foret, fingere, *ulcerationem* cujuscunque partis *internæ*, materiam gignere & producere, adeo suminè differentem ab illa, quæ cunque à cujuslibet *exterioris* partis ulceratione, consurgere atque diffundi potest, &c.

XXII.

Quam ob rem, præstiterit certè, relinquendo aliis liberaliter quæ ipsorum sunt, etiam hic potius simpliciter nostram sententiam profiteri, quæ in eo consistit, quod Febris hectica, sit auctior motus sanguinis, perpetuæ necessariæ abstensioni ulcerosæ labis, atque corruptionis in aliquo viscere, destinatus: proportionatum augmentum caloris in universo corpore, proportionatam sitim, exhalationis augmentum, urinæ aliquas mutationes, toni corporis peculiares motus, vigilesque, & de constante duratione præcipui objecti sui, & vix reparabili damno illo, circa quod labor ejus occupatur, justè sollicitos & fastidiosos languores, involvens.

XXIII.

Hanc explicationem, ita applicamus, ad ætiologiam *nexus* hecticæ, cum illis *internis ulceroso-faniosis* constitutionibus. Ne corruptio ulcerosa invaleat, iis in locis, ubi adventitiorum auxiliorum certo accessui & actui non patet aditus, non potest ulla alia ratione impediri, intercipi, præoccupari, excepta sola illa, ut otiosa *restagnatoria collectio humorum*, circà partem corruptela illa inquinatam, non permittatur: sed potius, incremento motus atque transitus *abstensorii*, jugiter continuato, perpetuis successibus diligenter *dissipetur*; inevitabiles *pauciores* corruptelæ conceptæ, quantocyùs & sine morâ, *abluantur*, & longè afferantur: imo receptatæ ita, & quasi collutriatæ in ipsum sanguinem, etiam ex hoc satis

sempestivè ita secernantur & excernantur, ne iterum iterumque, cum eo, ad partem ipsam revertentes, vel irritationes ad minimum, vel læsiones planè, ibidem intendant & augeant. Hæc autem opera, est tanto magis seriò necessaria, illis partibus, quarum integritas, longe nobilissimi, & minime negligendi, omittendi, nedum amittendi, est usus: reparatio autem, seu nova constructio, non solum, tanquam à priori, insolita in corpore semel formato, sed etiam per rationes fatis luculentas Physico-mechanicæ, (intuitu incessabilis usus, & unà exquisitæ organicæ conformatiōnis,) velut impossibilis. Quibus nempe respectibus, tanto, imo nimbò magis, necessarium est, actum hunc, pro inhibendo progressu talis læsionis quantumcunque efficacem, propter harum maxime partium saltim auxilium, gnaviter suscipi, & quantum licet acriter geri & administrari; quam in aliarum partium, ignobilis usus, & simplicioris atque rudioris structuræ, pari affectu. Cum autem unicum instrumentum, totius hujus intentionis executioni idoneum, aliud nullum præstò sit, quam motus progressivus sanguinis: hujus autem augmentum, omnino sequantur, ceu symptomatica ratione, illa, è quibus vulgo febres dijudicant & quasi definiunt: Dilucescit hinc facile, quamobrem etiam hic actus, infibrium censum vocari soleat.

XXIV.

E tali verò, consideratione atque estimatione, hæc febris, facile deinde intelligi potest, quo usque, & quo intuitu, atque efficacia, juxta prævalidum incrementum læsionum hujusmodi, in ipso aliquo viscere hærentium, irreparabilem, sed ad majorem, imo summam, corruptionem tendentium, aut ruentium, Febris conjuncta pares præ se ferat progressus. Nempè, non tam, quod eadem soveatur, gignatur, aut producatur, tanquam materialiter, ab illa tali corruptione; sed, quod potius eidem ita contrà opponatur, & velut obtendatur, motus h̄c febrilis: & tantum, & tamdiu, sine cessatione, exerceatur, quantum, & quamdiu utique, locum adhuc habet qualiscunque abstersio, liberioris & quasi sibi relietae corruptio-

nis æquè, atque coacervationis circa ipsam partem affectati, concusso, atque stagnationis distractio, eoque ipso, tam secreto, seu remotio, quam tandem è toto corpore excretio, impri-
mis activissimarum partium, totius corruptelæ. Quod nem-
pe universum, absolui tantisper potest, per vividiorem motum
sanguinis progresivum; qualis autem, cum ante dictis con-
fectoriis atque circumstantiis, infert illud ipsum, quod vulgo
Febrile vocatur: & sub hoc gradu, & hac non solum perenni,
sed etiam diu æquabili, continuitate, illud ipsum est, & sistit,
quod *hecticum* appellatur.

XXV.

Differentia vero *hecticae* febris, horum generum, nempè
plus minus manifestò, aut certè quam probabilissimè, visce-
rum læsiones comitantis, in ea sine dubio quærenda erit, du-
plici, circumstantia. Primo, quomodo differat atque variet
læsio visceris ipsa; Deinde, quomodo viscus à viscere differat,
tam dignitate atque necessitate usus: quam etiam progressu,
in uno viscere, præ altero, aut parte ejus una præ altera, impor-
tuniore. Ita enim, primo intuitu, est aliquando constitutio
in pulmonibus, nondum in *aëlum sanioso-ulcerosæ* corruptio-
nis deducta; sed subsistens adhuc, in *scirrhosis nodis*; quales
non ita raro inveniuntur in apertione cadaverum, materia
livida, tenaci, viscosa, sufferti. Quando hæc sensim ulcer-
osam acrimoniæ concipit; aut veram quidem jam exulcerati-
onem subiit, sed magis adhuc falsam, quam sanioso-purulen-
tum, (qualis cito, depascit. seu colligescit,) sub qualii nempe
constitutione, etiam diu sitis lenta atque languida, manere
potest ipsa quoque febris *hectica*, mulans nempè ipsum gra-
dum & proportionem dietæ læsionis. Quando vero hæc po-
tentius grassetur, & jam colligescientem saniosam corruptio-
nem, impetuosis persequitur; Quandocunque ad hunc gra-
dum pervenit, est, eadem proportione, incitator ipsa etiam
hectica. Ad quas res, puto supervacuum esse, monere, quod
multum conferre possit, peculiaris in uno patiente præ altero
dyscrasia humorum ita Cacochymica, ut *ulcerosas corruptiones*

ranto magis fovere, iisque vires addere possit: sive denique jam intimius humoribus impressa, sive proprius diætæ vitiis innixa, sit

XXVI.

Quod autem ipsas partes affectas attinet, uti rationi consonum est, ita testatur ipsa experientia, quod ulcerationes hujusmodi, pulmonibus obtingentes, sub reliqua pari conditione ulcerosæ energiæ, perpetuo deterioris sint, nempe præsentioris, successus, quam similes, quæ renibus obtingunt: Quandoquidem, hujus posterioris generis exempla aliquot vidi Præses, inter quæ tamen eminebat unum, generosæ matronæ de Marschal, familiâ Budewelsiæ, jam beatæ: quæ ad minimum decem annis, renis sinistri ulcus, & una hecticam febrem, gestavit perpetuam comitem: VSnibus imprimis æquinoctiali- bus, evidentia levamina debentem. Generosa verò etiam Conjux Cancellarii Saxo-Vinariensis D. Happen/ simili ulcere per sex circiter annos languens, & sensim extabescens, tandem, cessante excretione muci saniosi, citius etiam absolta est.

XXVII.

Postquam autem ita satis prolixè, ea, quæ ad veram indolem hecticæ febris, abscessibus viscerum junctæ, pertinere videntur, enumeravimus, facimus progressum, ad Medicam harum rerum, earumque usuum, considerationem & æstimationem. Ubi autem omnia, & certè primo loco, ratio habenda est Diagnosis; quomodo nimirum, & unde, cognosci, aut certò concludi possit, non tam æquè solum in genere, AN præsens aliqua talis, diuturna, satis evidens, febris, reverà somitem habeat magis, quam comitem, abscessum aliquem internarum partium: sed &, deinde, quam maxime, qualisnam partis, quam abscessum? Unde videlicet, tanquam evidenter deduci possit, imprimis acrioris alicujus talis febris, mos; ratio, inquam, atquè proportio: unde etiam reciprocè æstimation fieri possit, ipsorum talium abscessum, quanti ponderis & momenti iidem æstimandi & habendi veniant.

XXVIII.

Meritò autem diximus, quod non tam præcipua ratio habenda videatur, illius *generalis respectus* & quasi quæstionis, an, quæcunque, quæ pro *hectica agnoscimenteretur*, *Febris, ab abscessu tali foveatur?* Cum neque dissimulauerimus, nec adhuc dum dissimulatum illud velimus, quod *hecticæ febris causam* quam minimum dubitemus, *perpetuò esse, constitutionem* in *viscere aliquo, vel ulcerosam, corruptioni proximam, quin imminentem;* *vel actu ulceratam seu in effectum deductam.* Illud autem, sine dubio, dignius fuerit, prudente æquè atquè peritâ prorsus, æstimatione, quomodo *hectica Febris, verè talis, dignoscenda veniat, à simpliciore, & tantisper quasi nudâ, lenta?* Quæ nempe distinctio, quomodo subinde, non solum verum, sed etiam omnino luculentum, usum habeat, possunt utique indicare exempla talium offenditionum, quales sibi evenisse, nemo honestæ existimationis atque benè meritæ famæ conscius Medicus, in se cadere voluerit. Præsertim, si eo imprudentiæ semel rem projecerit, ut vel affectatæ calumniæ, vel manifestæ ignorantia, strictum Dilemma, evadendi locum atque viam ipsi præciderit. Quamlibet quidem honestis Viris, utique omnium harum rerum nulla necessaria sit cautio: Id quod experientia doctus, Ego Præses loquor & affirmo.

Est autem omnino securissima via, de *hectica* potius, quam levidensi aliqua *lenta Febre*, judicium & indicium formandi atque proferendi, I. quando affectus aliquis *inflammatorius, internus, ita in paciente præcessit*, ut eundem comitata *acutior febris, continuato successu, licet imminuto impetu, non solum statim excepit, & jugiter præsequatur: sed etiam II, à verè simpliciore Lenta differat, essentialibus illis circumstantiis præcipuis, gradu imprimis, languoris, fastidii, mali somni, extenuationis augescentis, constantium levium exacerbationum, post assumta: maximè omnium autem durationis seu continuitatis ad plures septimanas, sine typica mutatione.*

III. maxime vero, manifesta increbescente *consumptione tabida*: & IV. augescente, per chronicos successus, omnium etiam reliquarum *Vitalium actionum, languore & torpore*. V. Obtingentibus etiam *exacerbationibus* satis acribus; quæ tamen neque tunc, aliquid verè *typicum efforment*, neque, *consumpto ferociore illo impetu, ad sanitatem, sed solum iterum ad languidorem talet Febrem, revertantur, eumque constanter ita prosequi pergent*. Quæ omnia tanto magis, VI. confirmantur, & velut obsignantur, quando tota talis Febris, cum *viribus corporis & animi patientis, semper potius in pejus procedere, videtur seu sentitur, quam ut mitescere observetur.*

XXX.

Quamvis enim minimè negemus, nec incognita sint nobis ejus generis exempla, quod etiam veræ *hecticæ*, sua aliquando *intervalla mitiora* simulent: quando nempe ipsa causa, quæ *fomitem præbet*, lenior quidem est, atque mitior: *Exacerbationes autem, inagis ab externis occasionibus temporariis, quam ab interna affectus ipsius prauitate, dependerunt*. Tamen non ita facile fallere potest decenter circumspectum observatorem, quod omnes etiam tales *induriae*, longe adhuc absint, à quacunque fide digna *securitate, & plausibili spe solidioris in integrum restitutionis*. Manentibus nempe ad summum, sensibilibus semper istiusmodi *langvoribus, & reliquis manifeste Febrilibus commemoratis symptomatibus.*

XXXI.

E quibus, inquam rebus, condignè ad animum revocatis, non potest non dilucescere, *Hecticæ febris præsentia*: Et, quantum nobis videtur, etiam summo jure hinc suspicio formari potest, omnino complicati *interni* alicuius *abscessus*. Interim altera illa consideratio ubinam talis propriè hæreat atque resideat? ex alio utique fundamento desumi debet: non præbente hic ipsa *hectica*, ullum, cui satis securè inniti liceat, signum aut indicium. Quamquam autem omnino etiam hæc ipsa significatio partis verè affectæ, non aliunde expectari sincerè debeat, quam à *sensationibus* in ita affecta parte ægro ob-

tin-

tingentibus; aut, procedentibus certius à tali parte *excretionibus* quibusdam; hæc ipsa verò reverà, aliquando etiam deesse, præter omnem expectationem, adeoque frustrari Medici attentionem possint, ut veram *specialissimam* hujusmodi rationem satis secure decernere non valeat: Non potest tamen circumspectam ejus & condignè solerter, perquisitionem subterfugere, ejusmodi prægressorum pathematum detectio, è quibus satis luculenter *in genere* dijudicari potest, quod ad minimum initium, unde hujusmodi febris manifestius cœperit, & postea jugiter continvaverit, ab ejusmodi affectu cœperit, qui pro inflammatorio - ulceroso probabilissimè haberi possit.

XXXII.

Submittet autem utique, conscientiæ atque prudentiæ recte memor Medicus, tanto magis animum, hujusmodi scrutiniiis atque pensitationibus maturis, tanto majore cum cura atque circumspectione, quando patientem præ oculis habet, à longo jam tempore, *vario*, & plus minus *perpetuo*, valetudinis pessimo habitu, ita obsessum, ut potius qualiscunque tolerabilis *euphoria*, tanquam aliquid peculiare atque *rarum* in ipso annotari debuerit. Et illa etiam ipsa qualiscunque euphoria, tanta *sensibilitate* atque facillima offensione obsessa sentiatur, ut *aura inclementior*, *tempestatis mutatio*, etiam *libero* aëri non se exponente ægro, quælibet *acidorum*, aut *crudiiorum*, in cibis aut potu *assumptio*, quæcunque *sensilia animi pathemata*, *motus* etiam corporis, aut *somni* & *vigiliarum*, leviores quælibet *ataxiæ*, mox evidentes aliquas *langvidas* perturbationes post se trahant: *Color* etiam corporis atque faciei, communissime sit *albopallidus*, sub oculorum orbita *lividus*, *habitus corporis*, vel nullum *incrementum* ostendat, vel inter laxam *mollitiem* & *flaccidum* marcorem quasi fluctuet: familiares etiam admodum sint patienti, jam *volatile calores*, cum evanidis & affectatis quasi tantisper *ruboribus*, præcipue *solarum generum*: (quales etiam ipsa plebs passim notat *phthisicæ hecticæ* exacerbationibus sociari,) Talibus inquam rebus, siue coram inspicioendo obseruatis, siue solerter exquirendo perve-

stigatis, securissimè certe superstruere potest Medicus, judicium suum, quod superveniens, & per septimanas aliquot continuans, sensilior ejusmodi constitutio, quam sub historico hecūcā schemate descripsimus, reverà sic hæc, & non alia: *Hecūcā*, inquam, febris. Altioris semper indaginis; & *læsionī* inniteus internæ omnibus modis difficillimæ, & vix unquam salutaris spei prognosin admittente. Ubi uempe iterū iterumque, nimium quantum Usus, pro hujusmodi veræ practicis judiciis formandis, habebit, assumptio laudatæ à nobis illius sententiæ, quod omnibus signis atque circumstantiis sui, evidentem hecūcam, ita certò, ut fidere liceat, foveat *ulcerosa* difficillima. *læsio visceris* alicujus, potius, quam levis forte aliqua, & facilius reparanda aut superanda, v. g. (ipsa quoque frequentissime in cerebro speculatorum otiosorum solum oberrans,) obstruc̄tio viarum meseraicarum, *atrophiam*, vera privatione seu intercep̄tione *commeatus* alimentarii, machinans.

XXXIII.

Ubi interim ingens intercedit differentia, inter ingenuam, & omnibus modis cordatam atque honestam, confessionem Medici, ab inhonestis intentionibus umbratilium simulationum & dissimulationum alieni, quod è confusis, aut planè (*ratiōribus exemplis*) deficientibus fidelibus signis, definiri certò non possit, quænam pars, in præsente aliqua hecūca constitutione propriè laboret: Et inter frivolas quaslibet phantasias, de inauditis constitutionibus, quæ post mortem ægrorum, nusquam appareant. Quarum priorem candidè profiteri, nimiò certè honestius est, quām, per *inscitiam* quidem partim, (de hecūcæ, & *læsionum* internarum, diversâ propria & essentiali indole, certâ vero *communi* & *socia*, *conspiratio-*ne,) Partim autem impotentiam, (verum artis defectum cor- datè confitendi, incondito autem fastu de omnibus rebus, tanquam nostræ sapientiæ in meridiana luce positis, argutandi,) ejusmodi sententias proferre, quæ contrà *rationis*, experien- tiæ, *theoriæ*, *praxeos*, *possibilitatis*, & *exemplorum*, omnem fidem, non solum tanquam à priori offendant, sed etiam à po- ste-

steriori, parvo post tempore, *contraria è diametro constitutio-*
nem in corporibus ita defunctorum reperiunda, ejusmodi,
non magis scientiæ, quam conscientiæ præcipitia, omnium mo-
deratorum hominum aversioni objiciant. Id, quod ego Præ-
fes, moneo atque noto, & omnibus Medicinam tractantibus,
præ oculis habendum, seriò commendo.

XXXIV.

Tantò magis autem adhibenda semper est prudentia de-
 cens, & omnibus modis circumspetissima, in ferendo judicio,
 de casibus ita *implicitis*, ut revera valdè *insolitum* atque *rarum*
 aliquid præ se ferant; & per circumstantias, vel nondum
 satis penitus, & plene pervestigatas, vel aliquid manifestius
 intricati offerentes, indubia determinationi, citrà temerarii
 ausus notam, nullum locum concedant. Quanvis enim eò,
 hodiernis perditis moribus, negotium reciderit, ut minime
 desint, aut ignoti sint, quos nihil quidquam pudeat, monstra
 opinionum, potius in medium prostituisse, quam statuisse: Est
 tamen alia ratio, honestatem etiam ita respiciens, ut sine hujus
 amissione negligi non possit, quando per pœnitenda, cruda,
 & perversa, de talibus rebus judicia, etiam meliorum bona exi-
 stimatio & integritas, ita sugillantur atque supplantantur ut ne-
 mo cordatus atque probus arbiter, dubitatione, seu justissima
 suspicione animum exuere possit, quod tam adversus omnem
 probabilissimam rationem, à priori, quam posthac manifestò
 repartam experientiam à posteriori, vibratæ monstrorum con-
 tradictiones, malas artes & detractiones intentiones, pro solido
 fundamento habeant.

XXXV.

Ut autem res clariores fiant exemplis, placet *tria* talium
 rerum specimina, fideli historicâ commemoratione, sistere.
 I. Adolescens generofus, toleraverat ab ipsis pueritiæ termi-
 nis, a nono aut decimo anno, ad 16. usque annū, magis magis-
 que, licet sic satis lentis progressibus increbescens asthma, seu
 minus liberam respirationem. Comitabatur hoc tussis,
 equidem perennis; sed neque constanter ita violenta, nec

„etiam excretionis quantitate aut qualitate ita comparata, ut
 „de vero pectoris habitu, satis clarum argumentum, nedum
 „documentum præbere potuisset: vivebat interim patiens in
 „tali constitutione, ut quidem semper sensibilissime aliquid af-
 „flictæ valetudinis præ se ferret, & ad varias mutationes fa-
 „cile, imo sic satis valde, sensilis observaretur: interim utique
 „neque lecto saepè aut diu se se mancipare cogeretur, nec etiam
 „alia signa tam maximopere affectæ sanitatis exhiberet, quam-
 „diu cum cura ab excessibus circa res non naturales se se con-
 „tinueret: Inter quales imprimis intemperatores motus cor-
 „poris aliquoties ipsum ita male affecerunt, ut exacerbata sum-
 „mopere illa respirandi angustia, & strangulatoriæ suffocationi
 „proxima, funesti exitus propinquum metum faceret, simul
 „tamen iterum iterumque, unius aut alterius diei decursu ita
 „initesceret, ut evanescente hoc metu, sensim etiam omnia ita
 „conquiniscerent symptomata, & ad tolerabilem illam vale-
 „tudinis latitudinem obtingeret redditus, ubi vix magnopere
 „valetudinaria in, ut cum vulgo loquar, imbecillitatem semper
 „æqualiter persentisceret aut exhiberet. Quin augescebat,
 „etiam & adolescebat ea mensura, ut, licet non æque vividum
 „incrementum assequeretur, sed teneriorem, quam pro paren-
 „tum & sororum modulo, staturam servaret, nequaquam ta-
 „men argui posset, præ morbida sanitatis oppressione, penitus
 „in hac parte deficere aut destitui, nedum ut positivo aliquo
 „decremento conspicuus fuisset. Dedit autem peculiariter
 „evidens documentum, obstinatæ illius conservativæ vitalis
 „energiæ, dum nivali hyberno tempore, largo potu, genero-
 „si exotici vini, quod vulgo Sect appellant, temerè potitus &
 „abusus, præterea in frigido aëre, nocturno jam tempore in-
 „ter publica ejus diei solennia, discursatione multa exagitatus,
 „in tantam oppressionem anhelitus, imo spasticas cohibitio-
 „nes, incidit, ut mox animam agere videretur, nihilominus
 „tamen ex his ultimis angustiis iterum emersit & ita ad se re-
 „diit, ut proximis post diebus non solum in prædium suum
 „revehi potuerit, sed etiam ad solitam illam reliquam toleran-
 „tiæ

tiam inde redierit. Vertente interim anno corripiebatur, non solum generali vehementissimo insultu hujusmodi oppressionis pectoris, sed & simul specialissima peripneumonica acerrima sensatione, febrili aestuatione & universali, qualis vulgo pleuræ inflammationi assignatur, passione. Quia tamen familiares existimabant, esse nihil aliud, nisi usitata ipsius affectus notam etiam ipsam exacerbationem resuscitatum, adeoque diu sibi noti, & rerum etiam suarum satis dexter periti Chirurgi consilio uti, satis ducerent; increbescente magis magisque vere acuti schematis continuo progressu, & veluti per paroxysmos quosdam magis obruente angustia, illa suffocatoria, octavo tandem die vivendi finem fecit. A perto corpore inventa est sinistra pectoris cavitas, exquisite, impleta suffarctu puris; cuius bona quidem portio satis, mollis atque disfluens, ex albo flavescentem etiam colorem, atque consistentiam exhibuit: Reliquum autem, magis magisque spissam unguinofam consistentiam & ex flavo, livescentem colorem obtulit: reliquum tandem imprimis autem quod fornici thoracis, maxime omnium autem sterno, firmiter adhaerebat, casei friabilis duritiem æmulans, durius, certè butyro, colore è gryfæo virescente, multum pariter, etiam ipsum erat. Educto vero hoc, inveniebatur utique, adhuc pulmonis portio, primo aspectu satis magna; quæ, vero statim puris suffarctu ipsa etiam turgere animadvertebatur, tanto manifestius cuin quasi stabilem ambitum formaret sinuosæ excavationis duplicitis, è quibus major medicris adolescentis, minor pueri robustioris, pugnum recepisset? Ubi simul sternum hujus lateris sub viridi illo denso pure, notabiliter adefum & arrosum spectabatur. Talem itaque exitum habuit constitutio hujusmodi, à longo utique tempore grassata, & tamen nondum totum pulmonem depastæ, hujusmodi corruptelæ, lentæ admodum & successivæ: cum, hectica ita lenissimè sub ordinariis progressibus complicata, ut à familiaribus magis valetudinis delicatae vitium, quam vera hectica, reputaretur: emicantibus interim utique acutio-

„ribus nimis quam manifesto febrilibus exacerbationibus,
„quoties oppressorius ille infarctus, asperius angeret, & obser-
„deret patientem.

XXXVI.

II. Vir 33. circiter annorum, corripiebatur tempore autunuali tussi vehemente, sicca & sonora, sine ullius materiae rejectione; quæ subsecuto vere, febrem acutam cum peri-pneumonicis aut pleuriticis doloribus, comitem adsciscebatur. Cui cum pilulæ pectorales opiatæ, frequenti usu adhibitæ essent, excreta tandem fuit per tussim, multa materia, sed sine levamine: manente potius diffcili & anxia respiratione, assūptorum ciborum veloci vomitu, corporis extenuatione, & summo virium lapsu: sub quibus tamen rebus desinente, acutiore febris typo, sed remanente hectico calore & languore, orthostadiam tamen, & laboriosam ecclesiastici officii administrationem, qualitercumque adhuc tolerante, in hymnum usque sequentem; Ubi etiam purpura miliaris emicuit, quæ tamen vacillante inconstantia, iterum iterumque, & tandem penitus, delituit. Intercedentibus paucis diebus, mane quodam, Asthmate corripitur, ita vehemente, ut vix hiscere liceret: simul verò cooriuntur dolores vehementes in pectore & abdomen, accedente etiam alui contumaci adstrictione. Persistebant hi dolores, per 12. dies noctesque. Aluus tympani more inflata, ita pertinaciter restitit, ut præter interna tentamina, etiam viginti clysteres aspernata sit. Dolores interim intolerabiles, vellicationes, rosiones, & imprimis ardor exquisitissimus, tanquam circa regionem lienis, nihil intermittebant; imo grassabantur ita per universum corpus, ut nihil nisi caput, liberum ab illis remaneret. Soluta tandem, succo pomorum Borsdorffianorum, & temporis concursu, alvi illa obstipatione, & excussis imprimis copiosis flatibus, cum subsidente ita abdomen, cessarunt etiam dolores illi acuti, remanente solum contusorio quodam seu ἐλκώδει. Evanescebat interim, solito more, in sinistro pectoris latere alias tactui occurrens pulsatio

fatio cordis, & transferebatur in dextrum latus: sinistrum,,
 autem pectus distendebatur extrosum, insigni protuberan-,,
 tia. Angustia anxia, respiratio difficultima, tussis continua,
 somnus, nisi hora aliqua matutina, nullus. Tale schema ad”
 4. annum, sub incredibili patientis miseria, durabat: Ubi”
 nunquam jacere integrum erat ægro, nisi forte in sini-”
 strum latus inclinato aliquamdiu corpore. Tandem”
 oriebatur œdematosus tumor, qui magis magisque in-”
 crebescens totum tandem corpus explebat. Irritis o-”
 mnibus consiliis & auxiliis, auscultatur tandem Chirur-,,
 go perito, paracentes in svadenti; quā à tergo suscepta,,
 erupit substantia lactis æmula: cuius prima vice tres libræ,,
 emissæ sunt: Altero die mane quatuor libræ: vesperi & se-,,
 quentibus diebus tribus, tantum per vices emissum est,”
 ut 12. Mensuras, adeoque 24. libras excederet. Post”
 quam evacuationem, cum indies, non solum respirationis,”
 sed etiam reliqui motus corporis, iterum magis magisque”
 compos fieret æger, quoties corpus concuteret, audiebatur”
 strepitus quidam in hac cavitate pectoris, similis agitationi”
 lintei madidi, per aliquod septimanas. Continuabatur non,,
 solum eductio materiæ, sed etiam injectio liquorum vulnera-,,
 riorum, multo tempore; primò non sine variis doloribus,,
 foraminis incisionis: quod tamen magis magisque occalle-,,
 scerat, ut post 3. annorum decursum, eeu cartilagineam du-,,
 ritiem æmularetur. Continuabat interim, & per hos, & ul-”
 terius subseqvutos annos, quotidianus effluxus ejusmodi ma-”
 teriæ lactescens, communissime ita, ut singulis 24. horis,”
 quantitas circiter VI. unciarum emitteretur. Cæterum con-”
 tinuavit hanc constitutionem, recte numerando, ad quatuor-”
 decim, à primo initio, annos. Et posteaquā liber efflu-”
 xus materiæ, etiam cum symptomatibus, à foramine illo in-,,
 tercostali adhuc crudiore, cessantibus, commodius proces-,,
 sit, ita ad se reversus est æger, ut etiam muneri suo Ecclesia-,,
 stico, operosiori quoque, bene satis faceret; ita tamen, ut con-,,
 stanter, affectum esse totum valetudinis robur, imbecillitas,,
 viri-

„virium, langvores prompti, color pallidus & varius, corporis
 „macies, tussis frequens & varia, familiarius tamen breuis &
 „sicca, necessitas tenuis & simplicis victus, &c. satis testaren-
 „tur. Quamvis autem miræ speculations, circa hujus affe-
 „ctus indolem, obortæ sint, & ante omnia Empyemati omne
 „jus circà eundem abjudicatum: postquam tamen mortuus
 „tandem patiens, sectionis scrutinio subjectus est, patuit ocu-
 „lis, absuntio totius, in hoc latere pectoris quærendi, pulmo-
 „nis, ad exiguum usque quiddam residuum: collecto etiam
 „ex ultimo, licet brevi satis, exasperationis effectu, decubitu,
 „copiosiore, vero, pure.

XXXVII.

Tandem autem quasi parallelum quiddam patuit in
 corpore SERENISSIMI PRINCIPIS JUVENTUTIS,
 tenerioris adhuc ætatis, nempe IX. nuper expleto anno. Vi-
 „xerat hic à prima statim infantia, imo in illa ipsa, valetudine
 „sempre multis modis afflcta. Non deficiente solum quali-
 „cunque corporis robore, sed etiam manifestis variis atque va-
 „gis inquietudinibus, phlogosibus, ardoribus, catarrhalibus
 „phænomenis, continuâ serie obsefus. Inter quas res im-
 „priunis conspicuum fuerat, quod totum sinistrum latus tam
 „pectoris, quam abdominis, illud compressum, hoc veluti va-
 „cuum, compareret, in dextrum latus, quasi tota translata, &
 „impacta, contentorum quantitate. Sub his rebus, & maxi-
 „me sollicita observatione rerum non naturalium succresce-
 „bat tamen, utut langvide: erat etiam consistentia corporis,
 „marcida atque flaccida, nihil pene rectè firmi atque densi ex-
 „hibens: color pallidus communiter, aut certe plurimum eva-
 „nidus: Catarrhales, & rheumaticæ molestiæ, familiarissimæ:
 „Ciborum, nisi molliorum, manifesta dysphoria: Tussis fa-
 „miliarissima: alvus, usitato segnior & siccius, binis aut ter-
 „nis diebus exspectanda. Sub tali constitutione, cum jam sex-
 „tum annum attigisset, per pavimentum inæquale, plusculos
 „gressus, sine manuductione prosequi difficile. Septimo an-
 „no morbillos, cum multa debilitate & ambiguo successu, tan-
 „dem

dem tamen superauit, remanente interim satis longa imbecillitate. Mutato tandem, per initium octavi anni, loco & aere, visus est pulchre vires colligere, & vixit, per annum circiter, commodius, quam antehac: nisi quod habitualis quasi propensio ad rheumatico-catarrhales insultus, frequentem medicationem postulare reputaretur. Sub anni illius initia, corripiebatur variolis; sub quarum plena eruptione, usque ad septimum, erat quidem satis debilis, inquietus, appetitus & somnus etiam satis exigui: quia tamen & exibant, & succedebant, quantumlibet etiam copiosæ, satis tranquillæ, tamen, ipsæ pustulæ, servabatur medicatio placidissima, & quantum fieri poterat moderatissima: succedebat maturatio penitus ad votum, sub qua, magis magisque mitescebant, pathemata omnia: rumpebantur pustulæ, siccabantur, decidabant. Appetitus, somnus, vires, alacritas, redibant præsentissimis successibus: sequebatur talis sanitatis integritas, cui nulla par præcesserat. Videbatur, imo sentiebatur, imprimis in longitudinem, probè succrescere; quin etiam habitu ipso conspicuè augescere. Color erat quidem, tanquam ad antiquum modulum, pallescens; sed ostendebat, magis magisque, firmam spem constantioris emendationis: imprimis, quando motui corporis aliquantum indulgeret, Tussis, quæ inde ab infantia & frequentissimum & saepe numero vehementissimum, symptoma exhibuerat, post variolas, tam rara atque levis, observata fuerat, ut integri anni decursu, vix duabus vicibus, per duos, tres, dies, tantum negotio facessere sentiretur, ut in liberum aërem progredi, minus consultum videretur, servata interim usitato, consuetarum suarum diurnarum exercitationum, tenore atque prosecutione alaci. Reliquam autem hunc universum annum, ut dictum, exegit, tanta uniuersæ suæ valetudinis alacritate, & constantia, cui vix parum, nunquam autem majorem, toto, vitæ suæ decursu ostenderat.

XXXVIII.

Quatuor autem, circiter, septimanis, ante plenum circuitum

„cuitum integri anni, à tempore variolarum superatarum,
 „notabatur Tussis quædam; crebrior aliquantò, sed tamen
 „satis moderata: constanter autem ita vacua, ut nullam hu-
 „miditatis excretionem comitem ostenderet. Quamlibet
 „coryza, verius autem gravedo, concurrere sentiretur. Erat
 „tempus hybernum, proxime festum adventus Domini; con-
 „spirabat tempestas etiam, & quidem humido-frigida magis,
 „quam rigidior sicca. Non sentiebatur insuper ullum detri-
 „mentum reliquum, usitatæ alioquin constitutionis: con-
 „stante sibi, sine alteratione, appetitu, somno, corporisque
 „viribus, sine ullo languore: & animi jugi alacritate. Subin-
 „dicabat equidem aliquoties Serenissimus Patiens, sensum
 „alicujus doloris; semel etiam aut iterum compunctionis
 „cujusdam: sed infrà infimas costas nothas, in regione ilium,
 „in der weichen Seite zu höchst unter den furzen Rippen; Sed
 „erat hujus sensus, & mentio ita rara, & commeratio ita velu-
 „ti transitoria, ut etiam suspicio esset, pulicis morsum in cul-
 „pâ esse: Quam ob rem etiam ne quidem indicandum aliquid
 „de his phænomenis Medico, necessarium apparebat, cum
 „nulla querimonia effatu quasi digna, usquam occurseret.
 „Post quatuor, aut paulo amplius septimanas, nempè primâ
 „horâ post mediam noctem natalis Domini instantis, evigilat
 „è somno Serenissimus Patiens, cum quiritatione statim anxia,
 „de dolore, in alias indicato loco, nunc exquisitè, urgente:
 „Quin augescit querimonia, ad ejulatum penitus, insolitum:
 „imo ultimò, ad exclamations anxias, cum jactationibus cor-
 „poris, inquietissimis. Durat hæc vehementia, ad ortum
 „propemodum diei, ubi leviter interquiescere, & obdormi-
 „scere ad dimidiā horam, obtingebat. Postquam etiam e-
 „vigilaret, videbantur ita sedata omnia, ut de templi visitatio-
 „ne mentionem faceret; & quamvis minus securè hoc au-
 „dere licere, monentibus consentiret, proponebat tamen ani-
 „mo, versus meridiem surgere, & prandio assidere. Postquam
 „autem, hâc intentione lectum relinquens, indui occiperet,
 „recrudescebat denuo immanis dolor, & exercebat vim suam,

per duas circiter horas: quarum exitu deum mitescebat, & externis internisque discutientibus, tanto magis obsequebatur: cum etiam largus sudor, non solum erumperet, sed etiam, moderato quidem, sed tamen constanti, successu, totum illum diem atque noctem prosequeretur. Quemadmodum autem, statim à primo insultu, æstus acutus, & sitis admodum urgens, mox concurrere cœperant, ita manebant hæc utraque, remisso licet magis magisque dolore; cui etiam sociabatur somni defectus. Proximo die, propemodum, omnis perceptio doloris evanuerat; Tertio vero, etiam, mentio, quin recordatio doloris, desierat adeo, ut etiam vidiorem externum contactum (qui sub jactabundâ inquietudine diu eundem situm servandi, subsidiariâ ope, saepius, adhibendus erat,) quem pridiè, licet remisso spontaneo sensu, tamen adhuc reformidabat, nunc non amplius aversatur. Tussis autem, toto hoc tempore, neque tam perfre- quens erat, nec ita saepè notabiliter vehebens: sed ut plurimum brevis solum, & pauca: perpetuo vero, sine ulla ex ceptione, ita absolute inanis atque sicca ut vix unquam quidquam, tussi potius, è pectore, quam screatu ex infundibulo, prodiret, quod tamen & ipsum vix obtingebat. Cum, universus dolor non solum, sed ipsa quoque memoria ejus, à quarto die desiisset; continuabat quidem adhuc calor acutior, sitis, & somni impotentia, ad septimum usque, (ubi etiam, propè in horam periodi invasionis, Novilunium incidebat,) minime tamen exactè pari gradu, uti primis duobus aut tribus diebus. Post hos autem dies, porrò, per succedentes adhuc plus septem septimanas, erat Calor adeo moderatus, sed utique continuus, ut Serenissimus Patiens verbo, de illo vix unquam quereretur; sed solum arctiorem cooperaturam molestiùs ferret, & inquietius, situm saepè mutando, eundem decubitum admodum diu toleraret. Sitis interim, pariter, vix excedebat consuetam sub sanitate mensuram. Tussis, remittebat adeo, ut nunquam, nisi forte aliquanto per quadrantem horæ, frequens, aut vehemens perciperetur:,,

, longe plurimum autem, admodum raro, brevis, & indesinenter sicca, maneret. *Somnus* etiam redibat, de tempore in tempus, longior: quandocumque etiam interruptus, & brevium sigillatim durationum, erat tamen ita veluti profundus, ut etiam claram collocutionem assidentium, nihil unquam moraretur: imo potius sub tali, aut prælectionibus clarâ voce factis, placidissimè obreperet, & aliquandiu continuaret. *Dolor*, constantissime ita aberat, ut toto corpore, ne vestigium unquam repullularet. Imò, quod, Ut ex post facto, admirationem meretur, *decubitus in utrumque latus*, erat indifferens; *Respiratio*, licet constanter aliquanto brevior, tamen & alias indesinenter liberrima, & nullum unquam, vel minimum, signum aut indicium, ullius, in pectori obstaculi, subministrans.

XXXIX.

Ea vero, quæ jugiter persistebant, erant, Primo, caloris perpetuus gradus, sensibiliter major, quam s. n. & constans propemodum etiam; Ejus aliqua, satis sensibilis, exacerbatio, versus, aut post, occasum solis: quæ per duas, tres, quatuor horas, fentiebatur. Secundo, inquietudo jactabunda, & anxia quædam dysphoria, diu eundem decubitum servandi: Quæ nempe res, longè plurimum etiam fovebat, imò inducebat, interrumpendo perpetuò, longioris somni continuitatem. Tertio, appetitus constansissima dejectio. Tandem, quartò, non solum virium corporis enervatio, sed maxime quoque habitus corporis, talis extenuatio, quæ tandem summum gradum attingebat, ut maior fieri vix posset.

XL.

De exacerbatione verò illâ quotidiana caloris, per certas horas, erat illud omnino notatum maximè dignum, quod per primos dies, imò septimanas adhuc priores, secum proferret, peculiarem quemdam eximum ruborem, ita singularem, ut à medio genarum, facto parvo, valde tamen luculento, initio, magis magisque, brevibus successibus dilataretur, donec à

num.

nummuli, ad Thaleri latioris, amplitudinem, in pallidiore,, reliquâ facie, extenderetur: Deinde verò, remisso admodum,, gradu, & magis magisque evanido, per totam faciem distri- butus, veluti dispergeret. Circà hunc ruborem, notandæ veniunt ulteriores circumstantiæ sequentes. Cum hujus ruboris apparitio, tanquam solitum imprimis symptomæ pectoralium affectuum, phthisicorum abscessuum, Medici, accuratius hoc phænomenon animadvertentis men- tem afficeret, ejusque rei mentio fieret ergâ assisten- tes Serenissimo Patienti ministros, Matrona, quæ huic à, cunis ministrare solita erat, affirmavit, esse hunc talem ru-, borem, phœnomenon, quod toties evenerit à primâ ætate,,, quoties ad decubitum usque ægrotasset. Prætereà confir- mabant, qui præcipuam Serenissimi Principis curam habe- bant, quod etiam quælibet invasiones sensibiliorum, ad de- cubitum usque, aut proximè, morborum, quoties eveni- sent, ita certò à faciei insolito rubore initium sumere con- siveverint, ut, quoties ruborem talem insignem conspicien- dum obtulerit, toties, tanquam signo certo, impenden- tem ægritudinem aliquam, quæ ad decumbendum ade- gerit, (zu einer lagerhaften Krankheit/) his initiis insi- stentem, securam, atque inde etiam secuturam, sciverint, &, commeminerint.

XL I.

Cuin autem hoc schemate decurrisset, per octo prope- modum septimanas, hic decubitus, ad sumimam usque exte- nuationem corporis, & omnem vitæ spem evanescentem; dimidia hora antè tranquillissimam ultimam expirationem, intervenit adhuc scriptum judicium, afferens, quod SE-,, RENISSIMI PATIENTIS affectus, scriptoris judicio, non,, sit Febris hectica: sed atrophia, pendens ab obstructione,, glandularum mesaraicarum. Assertio non proferebat sub,, aliquâ conditione: nempe fortè, quantum fando inaudive-,, rit, aut e relatione historiæ morbi alicunde accepta, collige-,, re liceret: sed addita potius erat, absolute pronuntiandi ra-,,

„tio, quod Scriptor, totam indolem SERENISS. PATIENTIS optimè cognitam haberet. Cum autem uti dictum, media postea horā, beatè exspiraret patiens Serenissimus, & postera die ante meridiem, inspectio & scrutinium cadaveris institueretur, reperta ea sunt, quæ sequuntur.

XLII.

„In abdomen, adeò nulla, & ante omnia omnium glandularum & partium mesaricarum vel minima labes, ut, in momento, evanescerent omnes præfigurationes, ex ejusmodi præjudicio fortè pullulantes. In ipso tamen sinistro hypochondrio, in proprio loco atque sede doloris illius, qui ultimi decubitus illius initia fecerat, inveniebatur Lien, licet solito aliquantò auctior appareret, reliquis tamen sensibilibus conditionibus nihil usquam præter naturam affectus: Interrim tamen tam diaphragmati, quam peritonæo proximo valde firmiter per membranaceas fibras concretus. Cum autem propter hanc ipsam constitutionem, solis digitis apprehensus, ad lenem avulsionem tentaretur; loco leviter membranosæ hujus texturæ colligantis, fatiscebat mox ipsum diaphragma, & prorumpebat portio spissi virescentis puris. Aperiebatur itaque potius hoc pectoris latus; E quo verò statim scaturiebat pus, utpote quo totum impletum erat: Graffo maximam partem, & ita spesso, ut de cochleari, quo exhaerebatur, nihil diffueret, sed mediocris multis modo, bene convexus plenitudinem formaret. Evacuabatur itaque tota cauitas, nullo aliis cuiusquam contenti vestigio; nisi, quod, ad cartilagines supremarum costarum, frustulum penitus exaridi, adeoque indurati, pulmonis adhæresceret, calami annserini crassitie, latitudine verò atque longitudine, sesquipollicis.

XLIII.

Postquam autem, maximè spissum circè superficiem cavitatis, pus, extersum, & denique elutriatum, esset, apparebat constitutio, certè multis respectibus rara. Vasa enim, quæ alias per substantiam pulmonis distribui solent, arteriosa, & venosa, majora nempè, (& hic quidem maximè talia, ut pote

pote etiam) præter omnem proportionem naturalem, tam,,
longitudine, quam amplitudine aucta, mox, à sinistro cordis,,
ventriculo, juxta spinam dorsi, per totam concavitatem pe-,,
ctoris in hoc latus. i. e. à capitibus costarum usque ad media-,,
stinum, per illarum arcuatum fornicem, cui innumeris locis”
firmiter acreverant, protendebantur atque diffundeban-”
tur; & subtexebant adeo universam hanc superficiem, quasi”
reticulari distributione numerosissimis ramificationibus,”
sibi mutuò incumbentibus. Purulentæ verò antedictæ illius,
materiæ, etiam color, parcissimè hinc inde albicabat, & rara,,
vestigia cruenti ruboris offerebat: Maxima vero pars, è,,
livido virescens, obsoletam quandam flavedinem referebat.,,
Odor, eratolidus & acris; fœtori potius affinis, quam sim-,,
pliciter accensendus. Dextrum autem pulmonis corpus,,
nihil exhibebat, à naturali debitâ constitutione effatù dignam”
aliquam declinationem designans.

XLIV.

Placuit tria hæc exempla proferre, pro specimine *rario-
rum* casuum; Ubi per longissimam adsuetudinem, & valde
lentam corruptionis successionem, Febris etiam ipsa *comes*,
ita moderatos & velut insensiles, mores & progressus sequitur,
ut sub illâ placidâ, & veluti larvatâ, temperantia, imponere
possit iis, qui parallelismum inter *tarditatem corruptionis*, &
paruitatem febris, nec è praxi, seu experientiâ, nec è benè
ponderata ratione, comprehendunt. Alieniùs autem longè,
tām a ratione, quam experientia, est, Ubi *hecticâ* febris, in ex-
quisitissima sui forma, & imprimis, *atypiâ* periodicis nusquam
assimilanda, per *multas septimanas*, jugiter & æqualiter
continuatur; Corpus interim ad summam tabem exarescit,
tussis sive *arida*, sive *humidior*, & diversi *coloris* materiam at-
tollens, valdè frequens, sive *parva* de reliquo, sive *acris*, præ-
stò est &c. Ibi nec *hecticam* talem agnoscere, neque gravis-
simam aliquam *interiorem*, & vix *reparabilem*, *organicam* læ-
sionem ac *eversionem*, subolfacere velle aut posse,

XLV.

Meretur autem certè, illa peculiaris constitutio, in postremo horum, casu, *vasorum* sanguiferorum, ad sinistri lateris pulmones pertinentium, talis uti reperita est constitutio, tam secundùm proprium suum habitum, quām duas vere, è diametro inter se dissidentes, opiniones, expendi. In se spectata, offert I) *Magnitudinem*, numerosissimis ramis divaricatorum horum *vasorum*, quæ naturalem illorum proportionem, plurimum superabat; & quidem tam *longitudine*, quām *amplitudine*. *Longitudine*, à sinistro cordis Ventriculo, juxta spinām dorsi, per totum arcuatū fornicem cavitatis, quem costæ efformant & sustentant, usque ad *mediastinum*, seu medium sterni, procedendo. Ubi itaque, talis *longitudo*, accedens proportioni *semi-circuli* ad *semi-diametrum*, aut ad summum, proximè totam *diametrum*, (quod tamen in statu atquè situ pulmonū naturali, longè propius priori, quam posteriori, diametri mensuræ accedit,) longè utique superat consuetam proportionem. *Amplitudine* vero, simul ita ad nudum adspectum excedebant hæc vasa, ordinariam capacitem, ut, cùm & alias, & quam maximè in tali ætate, pulmonalia vasa utriusque generis, in divaricationibus suis, mox eximia decrementa *capacitatis* suæ ostendant; hoc loco, etiam minimæ extremitates, & ad ipsum usque *mediastinum* exorrectæ, & quarent calatum, pennæ alaris majoris, ad minimum, (Schwing-Feder) columbinæ. II) Erant, omnes atque singulæ, hæc venæ & arteriæ, minimæ & que atque maximæ, internæ huic superficie, ita singulari industria, innumeris quidem locis, nusquam verò jugiter & continuo tractu, *affixa*, ut equidem longè maximâ parte *suspensa* solum essent, nempe à nexu omni liberae: minimè verò penitus undiquaque annexæ, Ex hac constitutione, directè quidem satis putamus colligi, atque diluescere posse, quod hæc *affixio* atque *expansio*, non potuerit esse negotium *brevis* atque *festinati* successus; Et minime omnium, sub *corruptione* citò invalescente purulen-

lentâ, latifundii pulmonum, tam *sepositionem* talem nancisci, quâm ita ordinatam dispositionem, seu distributionem adhuc adsequi, aptum. Dum utique nemo humana ratione utens, in mentem admiserit, quod sub temerariè grassante *colliquatione & erosione*, non solum *tenerrimæ membranaceæ substantiæ vesiculosæ*; sed etiam *crassioris, bronchiorum pulmonalium firmicatis, potissima pars vasorum*, ex illo tabo atque sa-
nie, non solum selvari, sed etiam ita, ad *extremum ambitum continentis fornicis, evadere & diffugere* potuerint: & insuper, dum reliqua structura, *impetu aliquo, disperditur, in media hæc strage atque labe, hæc, magna etiam, portio, pari festinatione, & certè impetu quodam, insolitæ plane structuræ ratione, alio dirigi, distribui, & structuræ atq; consolidationis quâdam ratione, accrescere, annexi, affigi, potuerit.*

XLVI.

Cum longè, non probabilius solùm, sed veluti eviden-
tius planè sit, quod *accretio* hujusmodi, tam prima sua *initia cœperit*, ab illa, veluti à cunis ipsis, conspicua, insigni *depressione & areta capacitate*, hujus *lateris pectoris*: quod ipsum ita pulmones, longè pleniùs, quam oppositum spatiösius, explendo, primò per *superficiem* multiplices tales *affixiones* subive-
rint; etiam *vasorum* utique, variis arcuatiss plexibus, per su-
perficiem propemodum pulmonis divaricatorum: quales *af-
fixiones, lentissima*, per longum tempus, reliquæ substantiæ pulmonis absuntione colliquatoriâ secuta, etiam conjugati,
& continui, plures, imo numerosi, horum vasorum *rami*, ita seuti sint, ut tandem hanc constitutionem assequerentur, quæ in corpore hoc deniq; inventa est. Cui tamen rei (stam *accretioni, inquam, illi, quam extensioni,*) utique, tam *lentissimus* successus ratione temporis, quâm, crescentibus annis, etiam in liberiorem capacitatem sensim restituta ro-
tunditas hujus lateris pectoris, sociam operam præstiterunt.

XLVII.

Amplitudo vero tanta omnium, in proportione, horum vasorum, longitudini ipsi sociata, quid aliud veluti eloquitur,

nisi, quod, uti *longitudo* angustæ adhuc cavitati, primò *affixa* & *subtexta*, cum incremento totius, de anno in annum aucto, insensibilibus augmentis, simul *distenta* atque *elongata* sit: Ita etiam *amplitudo* æquè cavitatis, atque maxime conspicua *firma* *tudo*, (membranaceæ texturæ omnium horum vasorum, à maximis, ad ipsa usque minima,) effectus certe sit, non solum *citatis* successibus, sed quām maxime, inter infarctum copiofissime redundantis *saniei*, nulla fide tribuendus aut vindicandus. Adeò, ut utrumque hoc productum, alii energiæ, nisi *diuturnis*, & sub *lenissimâ* atque *languidissimâ* corruptionis continuatione, satis tranquillis atque placidis successibus, *stru*
ctorio-refectivis, ad rationis consonam verisimilitudinem, nunquam vindicari possit. Tali verò, quem declaravimus, processui, exquisitè quadret.

XLVIII.

Differentium autem illarum, quarum mentionem injecimus, Opinionum, de hac constitutione, altera, adeò permota est à verisimilitudine *diutissimæ*, & unà cum *corpore adul*
tæ, hujus *expansionis* in *longum* & *latum*, & ita *ordinatæ* satis, *distributionis*, atque *affixionis* seu *accretionis*, ut etiam satis verisimile reputaret, quod in hoc latere cavitatis thoracis, nunquām *ullus pulmo*, *formatus* aut *natus* præstò fuerit. Quanquam autem hæc speculatio, à moderatissimo, & notissimæ prudentiæ, animo profluxit; tamen, cum eidem ignota sit experientia, imprimis ex historia Praxeos comprehendendæ vigilantiæ atque efficaciæ naturæ sospitricis; & lentis amissionibus, quoad fieri potest, *successiva* præsidia, aut sanè *subsidiæ*, *substituentis*, quæ *restituere* non plane licet: Non æquè proinde subsistere illa potest, cum *duobus* illis manifestis phœnomenis: Primò, quod utique *frustulum* aliquod *veri pulmonis*, licet siccum & planè densatum, (& quidem, quod, pro antè dictorum illustratione, notari debet, *superficie* *internæ pectoris* firmiter *concretum*,) præstò adhuc fuerit. Secundò, quod utique *pus* illud, cuius tanta inventa est quantitas, necunde aliàs prognosci potuisset, nisi à *successivâ* consum-

sumtione pulmonis: Cum nullum usquam aliud vestigium alicujus, nedum tanti, *abscessus*, comparuerit: nec etiam ulla substantia, tali affectui aut effectui opportuna, nedum par, in tota hac cavitate hospitari soleat. Nedum, quod ad tantæ quantitatis abscessionem, in quacunque alia parte aut loco hujus cavitatis citatis successibus fuscitandam, omnia nimio vehementiora præcedere & concurrere debuissent, quam in toto hoc casu, quidquam comparuit.

XLIX.

Altera verò speculatio, tota huic opposita, in illam credulitatem inducere tentavit, ac si hæc, *sani* nempè eo usquè, pulmonis, *corruptio*, ortum suum duxisset, à *reliquiis*, ex ipsa *variolarum* infectione, residuis relictis. Quanquam autem ratio humana, nunquam hoc conciliaverit, cum veris circumstantiis, jam antè latius deductis, 1) Toto anno post variolas nullius usquam perceptæ, effatu vel minimum dignæ, alterationis, nedum labis, circà respirationem, tussim, aut insolitam quamcunque aliquam sensationem in pectore; imo 2) absolute notorium sit, quod & horum intuitu, & tota reliqua sanitatis syntaxi, nunquam majora omnia indicia æquè, atque consectaria, (sensibilioris licet inde à primis cunis,) tamen de reliquo probatæ sanitatis, ante variolas exhibuerit, quam, continuo hoc anno, post easdem: 3) *Invasio gravissimè morbida*, Sereniss. Principi, circà hunc articulum exquisitiorem brumalem, jam per aliquot annos, tanquam stabili atque ordinariâ reversione, evenire & oboriri adsueverit: 4) *Dolor* etiam, à quo ultimus hic decubitus exordium suum sumpsit, perceptus sit, non in pectore: sed, etiam cum latitudine, totius manus indicio toties designatâ, infrà ultimam costam notham, & ita in regione ilium, ut magis posticam, thoracis, quam anticam, pectoris, partem respectaret. 5) Nec usquam *lancinatorius*, aut ad pulsus rythmum, *punctarius*, fuerit: Neque, 6) duodecim horarum spatium, duratione suâ excefferit: 7) Nec etiam *Tussis*, quamquam jam à quatuor circiter septimanis perciperetur, sub hac tamen ipsa etiam exacerbatione, ul-

lum memoratu dignum, frequentiae, magnitudinis, constantis
 diuturnitatis, incrementum sumpserit: 8) quin etiam, tam
 dolor ille ipse, quam quantuscunque illum adhuc comitans
 gradus *tussis*, quin imo ipse gradus *caloris* febrilis, intra *qua-*
tum diem, (eo ordine uti hic recensentur,) gradum sui, ita par-
 tim amitterent planè, partim remitterent, & in magnum &
 constantem lentorem, seu remissam velut inertiam statim
 transirent. 9) Ullius etiam unius *evacuationis*, vel minimæ
 miculæ, cujuscunque *corruptelæ*, aut solum à colore suspectæ
 materiæ, quin vel levissimæ *humiditatis*, (ut ex pulmonibus,
 quantumcunque integritatis adhuc servantibus,) ab ipso initio,
 ad finem totius hujus decubitus, (quod planissima locutione
 fine ulla umbra Rhetorica, commemoramus,) ita nunquam,
 ut ne semel quidem, prodierit. 10) Post hæc omnia verò, nul-
 la humana ratio, unquam agnoscere potuerit, quod reperta in
 hoc corpore *distributio* illa, *elongatio*, *extensio*, firmæ atque
densæ texturæ, ad modo dictas res *proportionatæ construc-*
tio, siue intra tamen *brevis temporis* decursum, in effectum deduci
 potuerit; Vel etiam, 11) inter *præcipites successus confusa*
corruptionis, tam substantiæ pulmonum, quam innumerarum,
 minorum atque minimarum, ramifications. 12) Et, quo-
 modo tandem, nec minor ab initio, nec ullo modo major, in
 decursu, comparuerit impeditio *respirationis*: 13) quod in
 progressu, usque ad universam amissionem, medietatis totius
 pulmonis, impossibile certe esset factu. Hæc talia, inquam,
 in contrarium documenta, licet quilibet facile ipse collegerit
 & agnoverit, tamen frustra erit, si illis, & ullam speciem veri-
 tatis habentibus quibuscunque documentis, adversam illam
 opinionem in viam reducere, speraret. Cum fundamentum
 hujusmodi suggestionis, ab ea immutabili indole proficiunt,
 notissimum sit mihi, Præsidi, de qua Saluator ait, Verbum
 omnis veritatis, (Joh. VIII, 44.) quod ille fons talium sugge-
 stionum, talia agendo atque loquendo, loquatur è suis propriis
 (*ἐν τῷ ἑαυτῷ*) quæ judicio atque vindiciis unicæ æternæ veri-
 tatis committenda, memoriter scio, & hoc meritò etiam ago.

Qui tamen per imperitiam, & minorem habitum, satis prompte atque circumspecte colligendi atque concludendi facultate non pollut, ii sibi commendatissimum habebunt, in rebus insignis momenti, ab omni, tanquam decisivâ, sententia profrendâ, abstinere: priusquam & funditus cognitas habeant, omnes circumstantias, & solertissime illas perpenderint: Ne, erubescere deinde neesse habeant, quando meliora edocti, pro toto suo decreto, illud unum declarare adactos se viderint, *non sciveram, non putarem.* Ast tantò magis: *Injustum quicunque sciens facit, is malus est Vir.*

L.

Potest autem ex his considerationibus, citrā insignem difficultatem, facile concludi, cuinam ulteriori, Medico, usui, inservire possit vera cognitio sodalitatis hujusmodi, *hectice febris*, cum *abscessibus viscerum*. Quamvis autem extra omne dubium collocari mereatur, quod longè maximæ æque atque præcipuæ partes, quantum ad Medicam considerationem referre hinc licet, sint *Prognoseos*: Ne tamen etiam illud temerè colligatur, quasi planè nihil ultrà *prognosin*, artis potestati hic restet, erit etiam de illo aliquantò solertius dispi ciendum. Quamquam etiam sub ipsa prognosi, aliqua ejusdem rei mentio, nequè possit prætermitti, neque debeat. *Prognosis* itaque, primò veluti generaliter, versatur in eo, ut omni modo intelligatur, Febres *hectice*, ut in se spectatæ, nullam esse perpetuam propriam *prognosin*; sed inniti universam, *internæ* illius *ulcerosæ labis* constitutioni: prout illa, ratione *subjecti*, quod invasit, & *progressuum* ferociorum, quos facit, aut jam fecit, magis aut minus recedit, à spe felicis *curationis*, aut in integrum *restitutionis*: aut vehementioribus successibus & acriore grassatione, *inflammatorio-caustica*, etiam febrilis illius *subsidiariæ commotionis majoris*, necessitate in facit. Nunquam autem hujus febrilis *concursus*, veram atque securam *omissionem*, aut *cessionem*, permittit; quin simplicioris progressus *corruptionis* illius, justus subsit metus, imo potius certus successus & eventus.

Cum enim omnia insignia, tam abdominalis quam pectoralis, viscera, plurimorum subtilium vasorum sanguiferorum interspersione, revera veluti abundant; non potest propterea tali texturæ, ita simpliciter serosa ulceratio evenire, quin, per hanc multiplicem intercessionem sanguiferarum viarum tenerrimarum, semper gravioris corruptionis cruentæ seu sanguineæ, (*putredinoso-colliquativæ, & acriter fermentescentis,*) inevitabile gliscat periculum: Aliter, nisi perpetuô leviter inflammatorio, abstensorio motu humorum progressivo, minime temperandum. Dilucescit hinc affatim quod, inseparabilis esse debeat motus hujus, i.e. *febrilis, hectici, concursus & usus, ad infringenda libera illa, hujusmodi grassationum incrementa.* Cujus nempè universæ rei, verus intellectus, absolute fluere debet, è verâ Mechanico-organicâ necessitate, *inflammatorii* motus sanguinis, ad *stases*, & impendentes, aut gliscentes, *corruptiones* sanguineas. Quæ videlicet tales stases, omisso, suppresso, aut graviter impedito, augmento illo motus progressivi, circumflui sanguinis, nihil certius assequuntur, quam citatissimum, violentissimum, & nequaquam amplius, citrâ gravissima detrimenta, ullatenus *sistendum*, corruptionis effectum: Qui tamen *Inflammatorii* appulsus atque transitus auctioris organicâ quidem directione, sed mechanica tamen aptitudine, atque efficaciæ proportione, ratione liberi sui progressus impeditur, & cohibetur intrâ certos limites. Intuitu autem ejus portionis, quæ amplius ab *omni corruptione* defendi atque vindicari non valet, saltem, *libera illa hujusmodi grassationis, corruptiva etiam tota, indoles, verè miranda quædam ratione, ita refrænetur*, ut etiam ipsa materia, huic, veluti è manibus, de momento in momentum eripiatur atque subtrahatur: Præcipue vero illa ipsa, quæ tam citò subeundæ, quam diffundendæ, corruptioni illi potentissimæ, exposita acidonea erat. Quam rem iterum atque iterum monemus, absoluta utique necessitate rectissimè perspectam & intellectam esse debere, nisi omnis spes, etiam omnium aliorum Febrili-

brilium motuum, eorumque non solum utilitatis mechanicæ, sed & necessitatis organicæ, penitus abjici ac omitti debeat. Quod quidem etiam, pro rectè intelligendo maximo pondere, quod ad *Prognosin hecūicæ febris* hujusmodi, rectè formandam, adjicit *necessitas* talis, grassantia talia detrimenta, hac solaratione, interpellandi, benè intelligendum atque referendum venit.

LII.

Sicut autem *Prognosis* veluti generalior, circà *hecticam febrem*, ita nihil boni spondet, & promittit; ita est reverà adhuc aliquid dicendum atque monendum, de eo, quid etiam *positivi mali* portendere possit, inconsulta atque contraria *hecticæ Febris administratio*. Ubi, cum præcedente paragraphe locuti fuerimus de culpâ *alienâ*, nempè *abscessus*, quem *Febris* non solum *comitari*, sed indolem etiam ejus *sequi*, necesse habeat: præsente loco sermo nobis erit, de iis eventibus, qui vel occasione *Febris*, in alterum illum *conjunctionum* affectum redundare, eumquè deteriorem reddere possunt: Vel etiam ab ipsâ *Febre* perperam ad debitam suam proportionem, *administratâ*, pariter in istum redundant, & incrementis ejus, imò prædominio, portam veluti aperiunt. Debent autem, ambæ hæ *depravationes* ipsius *Febris*, in *abscessum* internum, ejusque deteriorem progressum demum incitandum, redundantes, ortum suum, malæ atque *turbulentæ* executioni, seu administrationi atque *gubernationi*, ipsius *motus Febris*. Quæ, unde possit & sanè optandum, ut non admodum soleat, originem suam trahere, mox sub *Therapeuticis considerationibus* patebit.

LIII.

Evidem THERAPIAM *hecticæ Febris*, ut *interna illa vitia comitantis, directam, positivam, & absolutam* nullam esse, manifestâ consequentiâ colligi atque concludi potest ex eo, quod, cum *Febris* hæc, quantò quidem melior, & æqualius, sequatur ipsum illum internum affectum, aut potius defectum, nulla ibi alia medicatio locum invenire possit, nisi sola illa quæ fun-

fundamentali tali defectui satisfacere posse videtur. Ut propter cuius demum in melius conversionem, etiam sponte sequitur proportione sua optabiliore, ipsa tota Febris. Interim tamen, eatenus habet adhuc usum, etiam ipsa hujusmodi consideratio Febris, ad *positivas* aliquas suppetias eidem ferendas, ut propriis illis, *bonis*, imo *necessariis* febris destinationibus atque usibus, arte, *quoad possibile*, succuratur.

LIV.

Non temerè autem, aut per simplicem aliquam rhetoricae emphasis, dico, *quoad ejus fieri potest*, seu possibile est factu. • Dum utique maximo hic cavendum est opere, ne fatale illud mortalitatis offendiculum, aliquid hic turbarum objicit, nempe *bona intentio*, & *mala inventio*. Cum enim notoria planè sit fluctuatio illa, atque dissensio, circa *veram int̄imam indolem* Febrium: Hanc verò non possit non æquis gressibus comitari & undique sectari, par etiam incertitudo, & solis opinionibus innitens, institutio atque instrucción, qualscumque tandem *methodi* pro tractatione *Therapeuticā* Februm: Cavendum certe hinc est, summo jure, & quantalibet animi solertia, ne, dum è minus firma *opinione*, consilium ad sublevandam Febrem formatur, loco sperati boni successus, nihil nisi heteroclitus, & alienus, provocetur. Cum autem cum ipsa arte Medica omnino ita comparatū sit, imprimis autem juxta hodiernas audacieores *methodias* atque *pharmacias*, ut raro negotium in eo subsistat & acquiescat, ut conatus præstandi auxilii, per *inertiam* fortè remediorum, successu solum careat, adeoque supervacuus sit, & irritus: sed nimio familiarius, nimia certe *activitate*, aliena à proposito, aut meritò proponendo, scopo, actuali interim energiâ, loco sperati & promissi usus, etiam verum contrarium & oppositum, actualia inquam *damna*, provocet atque introducat: Est prosector propterea omnino opus, ut hujusmodi aberrationum justissima cautio atque evitatio cordi sit; ne, dum febri præpostera & aliena aliqua ratione, insignem opem ferre præ nobis ferimus, illam *obturbare*, & à justioribus suis destinationibus dejicere atque in transversum agere, deprehendamur.

LV.

Sicut autem, sub tali vera prorsus constitutione Febris *hecticæ*, ut originaliter quasi dependente à profundiore tali *viscerum* lœsione, *directæ* atque *positivæ* illius ipsius medicationi nullus pater locus; ita contrà, postulat utique, imò exigit plane, *priuativam* talem, atque *prohibitoriam* contemplationem & *æstimationem*: quæ sufficienter instruat animum necessaria circumspectione atque cautelâ, ne præpostero studio ac opinione, imò ausibus male ordinatis & inani opinioni superstructis, partim *placidus* motus, & *ordinatus* atque *portionatus* successus hujus febris, in transversum agatur, *turbetur*, nimio plus *incitetur*, (nam de nimia cohibitione, minus propemodum, ad hunc diem, est periculi, postquam nondum satis se probavit, certe adhuc inaudita alias arti, efficacia *salini anodyni mineralis*, ad *simpliciter inhibendam*, etiam *acutam*, *febrilem commotionem*,) simulque per *acriora* remedia, aut *regimina* magis coacta, *expansio*, imo totus *intestinus* motus sanguinis, exasperetur: *stimulis*, sive *calidæ*, sive *sali-*
næ acris, efficacia, affectus partis ipsius *ulcerosus*, exacerbetur & irritetur: alienæ, & intempestivæ, excretiones *colliquatoriæ*, provocentur; *Vires*, non solum actualibus *inordinatis* commotionibus, sed, quod nimio plus est, *fastidiosis* illis, & quasi omnem bonam spem abjicientibus, per res *pessime* cedentes, *languoribus*, & omnis adhuc exactioris *ordinis*, & proportionis assidue, desertionibus, in solidum pessum dentur. Ubi profecto valet propemodum paroemia illa, *Vox populi*, *Vox Dei*; quando perpetua experientia edocta plebs, notat, *nunquam pejus esse tabidis*, quam quando in *Medicorum* curram atque ordinationes se se tradere, & medicamentis diligenter uti, incipiunt. Qua de re etiam jam dictum in *Diss. de Phthisi*.

Licet autem ita justissimâ opus sit cautione, ne imaginariâ quacunque, *hecticam* febrem, ut in se, curandi imo percurredi, spe & opinione, ejusmodi tentaminibus, pro exequendo tali scopo indulgeatur, quibus longè facilius *damna* certa, quam ullum speratum *commodum* & *emolumenatum*, impe-

trentur: Supereft tamen etiam aliqualis locus, veris justis ac utilibus intentionibus, ipsius Febris etiam *hectice*, subveniendi: modo antiquissimum habeatur, ut omnino potius *subsidiariis* adjumentis, tota intentio addiscatur, quam ut quibuscunquè *propriis* ausibus, *leges* quasdam hic præscribere, & pro lubitu, *novas intentiones* formare, & in effectum deducere velle, liberum censeatur. Consistet autem ita omnis *tolerabilior concursus Medicæ curæ*, iterum dico, quantum magis *directum respectum ad ipsam febrem attinet*, unicè in eo, ut illæ *intentiones*, quibus totus *motus Febrilis*, propriè *invigilare* atque *præesse* intelligi potest, non solum ab *impedimentis* vindicentur; sed etiam, (modo citrà temerarias spes, & ambiguas *inventiones*,) quoquo placido atque moderato modo, potius promoteantur atque juventur.

LVII.

Ubi, cum præcipiuus ultimus scopus, *assiduæ illius hectice commotionis febrilis*, versetur, circà perpetuam *abstensionem* discussionem, circà partem talem *internam* ejusque læsionem jam conceptam, aut in proximâ omnino potentia constitutam; Deinde vero etiam, circà evacuationem *apophasmatum* talium *ulcerosorum*; sed *placidam* tamen illam, & *moderatissimam*, & *tranquillè successivam*: Poterit hinc satis facile colligi, quod etiam universa benè fundata *intentio Medici*, ad has easdem sponteas *intentiones* unicè *conspirare* & *concurrere* debeat. Antè omnia verò, unicè semper esse debet antè mentis oculos, quod, ut ex indole reliqui affectus, ita etiam *febris*, isti necessariò *proportioni exæquandæ*, nihil usquam *festinatum* aut *importunum*, locum inveniat; sed omnia potius ad *moderationem*, & *assiduorum* *successuum*, solum *liberos progressus*: & *impedimentorum* remotionem potius, quam ullam *simul & semel* peragendam excussionem, instrui atque dirigi mereantur. Deinde verò, cum lenis eliminatio, *ulcerosorum* collutriatorum inquinamentorum, è massâ sanguinis, perpetrari præcipue soleat, per *Urinarias vias*; Re media vero, quæ certò *placidissime* huic eidem scopo velificantur, verum etiam usum prætent, ipsi *acredini*, in *ulceribus pullulanti*:

lanti: imò etiam qualescunque ardores, à reliqua acrimonia, jam cum massa humorum ad partes solidas pertingente, hanc contemperando, mitigare atque intercipere possint, sunt proinde illa imprimis hic in usum vocanda.

LVIII.

Non loquimur autem hinc, sub hoc titulo, de importuno abusu, & nimis ingestione, terreorum absorbentium; ne dum de inani selectu ineptissimè præparatorum, ut nominatim C. C. philosophicè calcinati: *Lactis Lunæ, Axungiae Solis &c.* etiam ridiculis nominibus. Multò minus autem, de potentibus illis absorbentibus salinis; tam fixis, quam volatilibus: aut, sub opinione *contemperationis*, novam texturam adhuc acriter salinam, atque stimulantem, possidentibus: Minime omnium autem, de infausto illo errore, *Martialia* remedia, (certissimo *adstringendi* effectu, præ omnibus aliis, imò vel sub aliquibus, effectibus, conspicua,) absorbendi scopis commendandi. Qua ratione *internis ulcerosis* atque *ulceratis* affectibus, eorumque exoptatis *ventilationibus* & *abstersionibus*, ita manifesta detrimenta afferunt, ut vel inde prognatum sit, (non scio, nec interest, cuius primi Auctoris, interim etiam in turba Practicorum resonans,) Monitum quasi axiomaticum: *Martem inimicum esse pectori*, (nempe quomodo cunque, jam affecto.) Multò minus autem sermo nobis est, de multis paribus artificiis quæ etiam *conjunctis* illis affectibus, temerè destinantur; nempè jam *traumaticis*, *ulcerationi* dicatis; sed *adstrictione*, *mundificationem* & *exonerationem* opprimentibus: *Balsamicis calidis*, nulla facile credendâ *salutari*, quantitate, ad partem certo affectam perventuris, massam autem sanguinis certissimè *exagitaturis*, & *restagnationi inflammatoriae* certiorem foinitem ita suppeditaturis: De *Expectorantibus*, faburram humorum directè ad pectus inclinando, hoc ipso *stasibus* & què, atquè corruptionis incrementis, materiam subministrantibus, & quoquo modo depravando potius, quam corrigendo ejusmodi affectui, paribus. Nedum de perditis illis, & profectò severiore censurā dignis, non solum omni verosunili rationi, sed etiam constantissimè atque luculentissi-

mæ, experientiæ adversis, anti-hecticis & anti-phthisicis: non solum nihil utilitatis, sed certissima damna, veræ & evidenti, tam hecticæ quam phthisi, objicientibus: aut aliis similibus quisquiliis, specificæ cujuscunque energiæ, adversus *tanta* *damna*, mendacem pollicitationem jactantibus, &c.

LIX.

Sed laudamus, cum omni moderatione, *pauca* utique, & nequò *specioso* apparatu, neque affectato fastu, fucata: Intērim, dextro usu, & in suo ordine seu debitâ subordinatione, illis usibus paria, quos prudens atque peritus Medicus, in tali rerum constitutione, usquam sperare aut exspectare valeat. Licet & indolis morborum, & practicæ experientiæ, & veritatis pharmaceuticæ ignaris, vix mentione digna videantur. Sunt autem talia, 1.) *Absorbentia simplicissima*, ex *ostraceorum* imprimis censu, *Lap. 69.* *Conchæ*, tam *nostrates*, quam *margaritiferæ*; *Testæ ovorum*, tam gallinarum, ac anatum & anserum, quam *fruthio camelii*: imo etiam *Corallia*, &, sano usu, *Osteocolla*. Pro moderatè *Abstorsoria* intentione, *Ræd. Pimpinell. alb. Vincetox*: Pro conservativâ atque *balsamica* spe, *Scordium*, in *Eff.* & *Succinum*, in pari, formulâ; non tamen æque sub exacerbationibus. Habemus autem rationes experientia firmas, laudandi *solutionem ostraceorum* dictorum cum *aceto*; melius cum *Tartaro*: adhuc melius, cum *acetositate Cisi*: propter *abstorsivo-diureticam* efficaciam, cum *temperativa* veriorum Acorum adhuc conjunctâ, & simul aliquatenus *præcipitoria* acriorum portionum in massa sanguinea, quæ intestini calidi motus quasi *producta* quædam haberi merentur, & ardore in reliqui moderationis caloris augent. Absint autem, non tam invidi, quam imperiti animi, quando *Nitrum* etiam in his necessitatibus laudare, non inutilibus speculacionibus, sed constantissimâ, & certe attentâ experientia, neque solius amplius D.D. *Præsidis*, suscipimus. Non incedimus cothurnis, nedium *grallis* pharmacologicis; sed simplici sermone laudamus: & quidem *sobrium* ejus atquè *dextrum* usum, nempè peritum: Cum *absorbentibus* dictis juncti, aut iis subordinati, & interpositi. Absint autem larvæ illæ pharmaceuticæ,

ticæ, *præparationes* ludicræ, & *colorationes*, Nitri, imo ad sce-nam comptus, Spiritus Nitri dulcis: nedium portenta illa *Sal aëris*, & *Sal Naturæ*: Mihi certè, Præsidi, non amplius ne in Chymia quidem, puerò, meritò hoc noinine venientia. Absint, inquam, à feriâ re, serio vel gerenda, vel relinquenda; Nam lusibus facile sua relinquimus. *Emulsionum* autem æquè, atque reliquarum *dilutionum*, pariter prudentem dispensa-tionem atque usum, laudamus in suo ordine. Nihil autem habemus, quod, insignis prærogativæ nomine tribuamus, *An-timonio* vel in genere, vel sic dicto *diaphoretico* in specie. Quam-vis enim optandum omnibus modis esset, ut secura illa com-mendatio *Sylviana*, *Antimonii Diaph.*: ad ulcerationes inter-nas, quasi eo solo præsente, de his securum esse liceret, deside-ratissimæ experientiæ satis faceret; non potuit tamen huc us-que deprehendi, quod hujusmodi medicamenti vera effica-cia, ad hunc affectum, ullo alio sensu, ad *Sylvianæ* illius tradi-tionis mentem, laudari mereatur, præterquam solo illo, Ger-manis usitato modulo, es hilfft so gut / als etwas: (ist aber über Haupt nicht viel.) Placidam autem ejus *Diaphoreticam* utilitatem, tantum abest, ut adspernemur, ut etiam potius ad-versus contemptores tueamur. Reliqua verò etiam, ex *An-timonio* passim nuntiata ostenta, ad phasmata Meteorica refe-rimus.

LX.

Ultimo autem meritò loco reservavimus, durissimum, non solum hodiernis moribus, semper à se ipso dissidentibus, sed vix etiam antiquæ Scholæ tolerandum, nodum, diurnæ, & in annos excurrenti heclicæ, *sangvinis ventilationes oppor-tunas* commendandi. Illi quidem, qui in Febribus *vulne-rariis*, *sangvinis missionem*, ita necessariam, declarant, ut il-lam etiam sine conscientiæ labe, negligi non posse asseverent, faciliores fortè se præbituri essent, ad consensum, quod, ut illic *dissolvendis*, ita alibi etiam *præoccupandis*, *inflammatoriis coa-cervationibus* circà *continui solutiones*, *ventilationes sangvi-nis* prodeesse possint. Qui vero aliena sentiunt, à nobis equi-dem non tentabuntur, cum non modò temporis, sed etiam chartæ, dispendium reclamet. Quibus autem *Praxis cordi*

est, illi, in laudato casu, utum hujus subsidii, non tam speratum, quam vix speratum, experientur. Recordando tamen, quod in praesente nostra tractatione, non ut de *formulis* tanquam in sic dicta praxi *speciali*, sed de *Methodo*, ut in praxi generali, peritè instruenda, sermonem habemus.

LXI.

Uti meritò, bene meritis Praxi medica, & per illam certè de toto genere humano, Viris, laus sua, in terminis, & intra limites justos, firma manet; Ita etiam Sydenhamium, si non primus, certè non postremus, laudavit jam pridem, publicè, D. D. Praeses: Imprimis autem eo nomine, quod primæ ejus Observationes in fronte offerunt, quod *propria observatione comperta atque observata, in medium proferat*. Quin imò, laudavit etiam commendationem hujus Scriptoris, de laudabili usu *Equitationis*, aut ad minimum *vecturæ*, in *Phtisi*; imo restrinxit hoc veluti magis ad eam *hecticam*, infrà *diaphragma* radices suas habeat. Interim, uti sobrium hujus consilii usum, etiam è sanæ rationis dictamine, æquè, ac Illustribus exemplis, magni facere, minime desistamus: tamen optamus potius, quam sperare adhuc audemus, ut maximè confidens illa laudatio, laudati auctoris, perpetuæ Experientiæ suffragio celebretur, quando hoc remedium, tanqâ certitudine *Phtisin* curare atque tollere asseverat, quantâ *Cortex Peruvianus febrem tertianam*. Interim, licet hucusque tantæ potius fiduciæ, quam simpliciter fidei, Autoris, nondum planè satisfacere sentiatur hoc auxilium; tamen, cum etiam minimè *nullum* planè usum habeat, meretur sane etiam illius commendatio, ad illud elogium revocari, quod omnibus in tam impeditâ re, consiliis & auxiliis commune est, quod cum debita prudentiâ, peritiâ, atque subordinatione, usurpatum, minime postremam, nedum nullam laudem mereri possit.

LXII.

Atque ita quidem febri *hecticæ*, ut *læsionibus* hujusmodi *internis* innixaæ, directa atque plena medicatio *curativâ*, equidem præstari, minimè potest; Est interim *utilis*, *moderatio* atque *sublevatio*: præcipua verò atque solida medicatio,

tio, nisi in *læsionum talium internarum percuratione*, nusquam speranda aut invenienda. Hoc ipso verò cavendum omnino maximoperè, ne etiam *alienis*, imò *contrariis* ausibus, omnia in præcipitum adducantur. Cui rei, quantum satis esse possit, cavisse speramus.

DEUS T. O. M. adspiret clementissime his etiam nostris considerationibus, ut & nobis & aliis verum Præticum usum perenniter præbeant. Cujus infinitæ bonitati, pro præstitia hucusque benedictione, æternam gratitudinem nuncupamus.

S. D. G.

VIRO

NOBILISSIMO ET DOCTISSIMO

CHRISTOPHORO von der Flotti

Amico à multis annis præcipuo, Summos in Arte Medica honores adepto, gratulatur, & faustum in patriam
reditum adprecatur

IO. HENR. Schulze.

Tmpiger extremos Batauus decurrit ad Indos,
Ut diues redeat classis onusta domum.

Hinc aurum gemmasque refert: hinc stamina serum
Splendida deportat: hinc & aroma petit.

Oppositum ratibus pelagum fecat acer Iberus:
Argenti reuehit pulcra metalla suis.

Sic iter immensum, sic millia tædia pensat
Diues opum reditus, maxima quæque ferens.

Sed TVA, quæ patriæ mentis bona naue reportas
Hispanas vincunt exsuperantque rates.

Has quatit immensum tempestas; fluctus & aër
Nil certe in mentem iuris iniquus habet.

Atte-

Atterit allatas merces inimica rubigo;
Hæ sed opes hostem tempora nulla timent.
Ut TVA felici contingat, sic precor, aura
Portum, quem repetit, nauis, amice. VALE.

Voquo se vertunt oculi, quo lumina tendunt,
Floribus innumeris quicquid ubique nitet.
Ecce hic purpureis collucent floribus horti;
Hic flores croceos monstrat amœnus ager:
Immo cuncta virent: Iam formosissimus annus,
Gratia dum nitidi veris adulta viget.
Et campus dulcem late dispergit odorem,
Nec vicina illis cedere prata volunt.
Hinc plenam segetem lætam sperareque messem
Agricolas hilares omnia signa iubens.
TV vero tantos, Q PRÆSTANTISSIME FLOTTI.
TV plenos fructus vere vidente refers,
Non modo nunc viridi dives TVA Messis in herba est,
Sed nam maturis fructibus illa nitet.
Sic ergo dignos TVA fert solertia fructus,
Sicce TVIS studiis proemia dignæ refers.
Ergo haud immerito merito congrator honori
Ex animoque TIBI prospera cuncta precor.

His paucis honoratissimo suo cognato ob Sum-
mos in Arte Medica adeptos honores gratu-
lari voluit ac debuit

IOH. THEOPH. TOELLNER
S. S. Theol. Stud.

(O)